











後村居士集序



作者不祈人之知知之者常在數十年之後從上諸名人皆云然蓋未有其人  
 之好惡未齊而其文之聲價已定者斯克小疵笑愈大怪悠悠穹壤俗喙一談  
 昔之人固有憤恨於時而棄擲其平生所作者或瘞以塚或泛以瓢豈非痛識  
 真之難耶獨我祖宗盛時儒學明而士具眼文章家之品目未嘗以窮達為高  
 下若歐曾蘓之名以文梅黃陳之名以詩雖其身困蹟寂寥諍者詈者附和同  
 聲而片文隻字人人賞重其傳則自若也中興百季以文字行于今者其最大  
 亦十數家大半手自編次一時或遇或否互為升沉於文何加損焉此我朝人  
 物議論之公有非前代所可及也後村先生劉公得文名最蚤排礙于時亦最  
 甚僕纔少公七歲而疇昔受學樂軒時已嘗誦公南嶽藁蓋吾師一日得之喜  
 甚呼而語僕曰子於詩喜義山禹錫二氏是編猶有劉李所未到者余受而味  
 之曰此世所稱二劉諸孫者耶此章泉澗泉諸老之所畏者耶此水心所謂可  
 建大將旗鼓者耶兩卿相望雖未能數舍而其人則未之識也既而僕走江淮  
 後村以讒廢十年身雖詘而文益傳時從數千里外有能道其名而誦其詩者  
 語以為今人率不信益知公之詩名久而傳者遠矣端平初余留太學偶謁計  
 幕湯公中後村時以西府掾對晦靜語余曰子得潛夫對疏乎言所難言非特  
 詞章為妙西山之門此為巨擘余於是知公於詩之外尤有過人者然猶未及



登門也余成進士南歸後村旋亦去國始克謁見於其居挾策過從凡一再歲頗嘗聞所未聞中間睽携時蒙寄以新藁聞者必爭求之丙午余待罪校隸府公自江左召甫見上即錫第長蓬山專史事未幾日又入經帷直綸省僕於公為列屬遂得時見講卷詞草諸篇每每精妙絕出無何乃以留黃不奉詔去而掖垣諸藁贈於人好文者至傳寫以相詒遺是公之連蹇不得志雖甚于諸賢而文字之傳亦非意見不同嗜好相背者所得而抑遏也昔者李定之於東坡且以奇才見予况他人乎然世猶以全集不盡見為恨去秋余補外此來間得語從容屢以此請而公謙避再三不之許余曰甫名郡也前輩諸聞人文字散落不少夾漈著書最多可名者七百種今之存無一二艾軒沒五十季遺文始裒集僅得二十卷放失知幾何他如次雲之詩西軒之賦與先正二劉所作則世無復見者矣前之守于斯者能無媿乎僕將逃此媿于後公獨何所靳于今此非為僕賜為國人賜也公於是不得已而出之余既盡得公所藏刊之郡齋且連月諷詠不去手乃歛衽而歎曰夫文章非一體能者互短長王粲他文不逮賦子美無韻者難讀温公不習四六南豐文過其詩此皆前輩評論也以余觀於後村自非天稟迥殊學力深到何其多能哉詩雖會衆作而自為一宗文不主一家而兼備衆體模寫之筆工妙援据之論精詳其錯綜也嚴其興寄也遠或春容而多態或峭拔以為奇融貫古今自入爐鞴有穀梁之潔而寓

離騷之幽有相如之麗而得退之之正霜明玉瑩虎躍龍驤閔肆瑰奇超邁特立千載而下必與歐梅六子並行當為中興一大家數也至如倫紀奏篇塗歸諫疏與夫某人謝事之詞此又公立朝大節來者宜焚香誦之不然文豈能徒傳哉公名克莊字潛夫莆陽人後村者因其居以自號也淳祐九年龍集己酉中春既望竹溪林希逸書

後村居士詩集目錄

卷第一

郭璞墓

魏太武廟

徐孺子墓

北來人二首

北山作

早行

黃檗山

第三龍湫

客中作

小寺

晚春

哭葉孝錫教授

瑞香菴

送薛明府

蒜嶺

示觀老

武步道中

浦城道中

幽居寺

大目寺

哭容倅舅氏二首

吳大帝廟

鐵塔寺

聰老

哭薛子舒二首

贈川郭

贈錢道人

張麗華墓

送鄒景仁

二將

陳虛一

揚州作

南浦亭寄所思

蒜嶺夜行

別教罷之

哭楊通老吏部

老歎

答友生





卷第二

趙清獻墓 烏石山 除夕 呈袁秘監 漢梁  
 小梓人家 送柱杖還僧 雪峰寺 盖竹廟 瓜洲城  
 送仲白 鳳皇臺晚眺 贈玉隆劉道士 晋元帝廟  
 清凉寺 冶城 雨華臺 新亭 魏勝廟 真州北山  
 故宅 送余子壽 送周監門 挽黃岩趙郎中二首  
 寄趙昌父 寄韓仲止 戊辰書事 晚春 臨溪寺二首  
 即事 孺子亭 碧波亭 豫章溝 題寺壁 西山  
 宮詞四首 秋風 跋小寺舊題 憶殤女 報恩寺  
 歸至武陽渡作 舟中呈景建 書山壁 華嚴寺逢舊蒼頭  
 田舍 古墓 題本草 下蜀驛 出郭 病起  
 再贈錢道人二首

蒙恩監南嶽廟

烏石山

葦居

挽郭處士

老将

老馬

老妓

挽趙仲白二首

贈風水僧

挽鄭夫人二首

除夕

挽鄭淑人

悼阿昇

送真舍人帥江西八首

送仲白奠登石室

立春二首

去春

燈夕

戲孫季蕃

匹馬

宿囊山懷二僧

訪辟支岩二僧值雨

送王實之赴長沙幕

哭豐宅之吏部二首

深邨

挽林進士

東人求驢子

寄漢陽守王中甫

與客登壺山絕頂

戲答同游

次方武成壺山韻

挽方孺人

方湖泛舟得南字

室寂院

紫澤觀

靈寶道院

方寺丞新第二首

小齋

東岩避暑

方寺丞艇子新成

友人病瘡

乍暑

衛生

先儒

游淨居諸庵二首

泛方湖得同字

又得湖字

問友人病

偶賦

滄浪館夜歸二首

贈翁定

送孫季蕃

哭毛易甫

月下聽季蕃吹笛

哀陳璠

是方武成詩草

送劉連江之官

挽柯東海

送客

哭王宗可

書考

哭常權

穴蟻

方寺丞除雲臺觀

哭方主簿

陳寺丞續荔支譜

棋

宿千歲菴聽泉

題西重山瀑布亭

秋夜懷傅至叔父子

書小窗所見

哭宋君輔

曝書一首

觀元祐黨籍碑

答翁定

挽陳潮州

聞兵有感二首

哭張王父

友人病瘡

書事二首

李文饒一首

西風二首

昔仕

卷第三



九日次方寺丞韻 戲鄭闓清灼艾 暝色 示寶上人

海口官舍 瑞峯寺 瑞巖 答湯升伯因悼紫芝

挽林宜人 送葉知郡木 送人赴廬陵尉 別翁定宿瀑上

身在一首 臘月至外祖尚書家 命拙 憶真州梅園

歲晚書事十首 元日 寄題李尚書一首 又真止堂一首

晚悟 書燈 書感 山茶 落梅 野性

懷保寧聰老 哭五一弟先輩二首 腰痛 上冢

平床嶺 溪西 夾漈草堂 棋山院 西林寺

興化院 麥斜 鯉湖 蔡溪岩 陳聘君 九座山

香山寺 仙游縣 觀溪西子弟降德 自昔 耕仕一首

真母挽詩二首 蘭 感昔二首 山丹 燕二首

過永福精舍二首 詠史二首 韓曾一首 春早四首

黃天谷贈詩次韻二首 得曾景建書 示兒 槲陽塘

春日二首 憶毛易甫薛子舒 有感 哭趙紫芝

哭周晉仙 中嶸先塋 被酒 小園即事二首

夢豐宅之二首 漢儒二首 暮春 哭吳杞 楸花

薔薇花 答鄭闓清 前輩 鐵塔院 方寺丞病足

卷第四

贈徐相師 送孫夢宮 寄何立可提刑 和曾史君喜雨

送饒司理 贈防江卒六首 哭黃寺丞二首 不寐

寄夔漕王中甫 送章通判 早蓮 辭桂帥辟書作

聞何立可李茂欽訃二首 夏旱 憶藕 夜飲方湖

哀江帥張常二首 瀑上值雨 懶 送沈憫 紫薇花

書第二考 送鄭闓清 猫捕燕 次方寺丞方湖韻

鄰家孔雀 答鄭監倉 蟾蜍研滴 讀崇寧後長編二首

午窗 書感 答客 叩杖 寄泉僧真濟 羊毫筆

空邨 題齋壁 題繫年錄 晚出 伏日 自警

詠鄰人蘭花 夏夜 書田舍所見 郊垌 客過

孟浩然騎驢圖 有興 聞笛二首 健忘 宿莊家二首

妄想 白杜迓客 七月九日二首 夢賞心亭 郊行

懷友 牢落 跋方雲臺文集 雲 稜冠

方寺丞招宿瀑上 詩境樓觀月 野望 西涼山觀雨

宿山中十首 次韻方寺丞瀑上雷雨 秋望二首 叩校書

聖賢 懷李敬子 華嚴寺知客寮 聞黃德常除德安倅



卷第五

閑居即事

白勉

少日

貧病

示同志

和孚若瀑上種梅五首

再和五首

賦瀑布得斷字

送陳寺丞守延平

送丁元暉宰南海

黃蘗道中崖居者

橫塘

蒜溪

哭囊山覺初長老二首

贈蕭高士

挽李端

海口三首

黃檗寺

和西外趙知宗

悼秦醫

讀劉賓客集

戎婦詞三首

游水南

哭陳鑰主簿

傳諫議和予兵字韻詩次韻

宿別瀑上二首

宿囊山和方字若韻

白鹿寺

發枕峰

嵩溪驛

環翠閣

崇化麻沙道中

過晦伯劉尚書墓

謝墳

大乾記夢

館頭

發臨川

豐城和別景建

自撫至袁風雪

安仁驛

萍鄉

牛田鋪大雪

醴陵客店

湘潭道中即事二首

謁南嶽

勝崇寺

發嶽市三首

湘江六言

煙竹鋪

衡水道中二首

黃巖嶺

初陽縣

零陵

深溪驛

全州

炎關

秦城

未至桂州答葉潛仲迎詩

游水東諸洞次同游韻二首

春日五首

訾家洲二首

舜廟

得家訊

湘南樓

卷第六

上巳水月洞分得事字

出城二絕

陪帥卿出游

次韻葉武岡二首

移居二首

弔錦雞

哭孫行之二首

即事

楮樹

象奕

送陶仁父

書壁

栽竹

癸水亭觀荷花

棲霞洞

堯廟

五月七日游諸洞

泛西湖

題許介然詩藁

慈氏閣

脩然亭

辰山

千山觀

曾公岩

郊行

遠華館呈胡仲威

老大

伏波岩

詰猫

八桂堂呈葉潛仲

挽聶孺人

題胡仲威文藁

戴秀岩

寄左次魏二首

湘南樓餞張昭州

榕溪閣

哭譚戶錄二首

風觀射

荔支岩

再游棲霞洞

佛子岩

劉仙岩

龍隱洞

哭梁運管

琴潭

清惠廟

辰山道人

玄山觀

榕溪隱者

楔亭

自用臺字韻

參帶亭

程必岩

哭林晉之判官

鵲

榕臺二首

嚴閔新洞

乳洞

發湘源驛寄府公

鐘甯

書堂山

湘中口占四首

見方雲臺題壁

土馬村

初陽道中

愚溪二首

浯溪二首

石鼓

湖南江西道中十首

雞



哭裴元量司直 豫章二首 還杜子楚詩卷 訪李公晦  
道傍梅花 戲書客舍 懷安道中 哭澤儒方先生二首  
真隱亭 道傍松 枕峰寺 乍歸九首  
題坡公贈鄭介夫詩三首

卷第七

蔡忠惠家觀帖 癸未瑞慶節 有感 挽水心先生二首  
林谷州別墅 哭林山人 挽方孚若二首 挽方武成二首  
福州道山亭 建州 起來 入浙 寄人 壽昌  
桐廬 富陽 記夢 出都 題研 杜丞 久客  
贈陳起 贈翁卷 路傍桃樹 題壁 馬上口占  
挽李尚書二首 橋西 黃田人家海棠二首 郭熙山水障子  
挽林夫人 挽葉夫人 題洪使君詩 閔全縣雨圖  
哭左次魏二首 寄永嘉王侍郎 秋熱憶舊游二首  
哭李景温架閣 送鄭瑞州 送子約赴衢教  
李園有懷孚若 送衡州方掾 高阜 答教茂才 失猫  
送張應斗 為圃二首 送黃舒文赴欽教 壁  
挽袁侍郎二首 教羅之宅子新成 答陳珍

挽趙帥君任二首 池上榴花 蕪李泣別圖 芙蓉二絕  
鄒甫田傳奕書 挽鄭參議 瀨溪即事十絕 教茂才論詩  
鎖諫圖 哭劉連江 明皇按樂圖 哭李公晦二首  
送鄒甫田 即事四首 梅花五首 送邢仙游  
夜登甘露山二首 書事十首

卷第八

送詹權部 再題鍾元良詠歸堂 送洪使君 送陳漕魯叟  
黃九萬見訪 別宋斌 和熊主簿十絕賦海棠 再和十絕  
和心水先生馬勝歌 別高九萬寄孫季蕃二首  
題何秀才詩禪方丈 挽洪倅 挽夔漕王中甫二首  
送熊主簿 送徐夏叔 和答北山 挽樓暘叔二首  
勞農二首 答曾惠州二首 滕參議挂冠 挽詹建昌二首  
和葉尚書解印二首 送葉尚書奉祠二首 挽盧母  
寄熊主簿 寄徐夏叔 贈趙醫立之 與陳北山  
答陳龍圖 和趙吉州三首 崇 挽傅諫議三首 寄二徐  
答留通判元崇 和陳北山王家酒二首 和北山  
送建安鄭尉 答范叔範 送揚休文 答羅天驥



林守贈瑞香花七首 和趙南塘荔枝五首 築城行  
開壕行 運糧行 苦寒行 國殤行 軍中樂  
寄衣曲 大梁老人行 朝陵行 破陣曲 村居書事四首

卷第九

挽陳北山二首 送五六弟赴四明倉官 成 挽龔汀州二首  
送戴復古謁陳延平 挽外舅林明道二首 東陳寺丞築城  
答楊拜 挽方岳倅 梅雨隱城自用前韻 跋某人詩卷  
城壞復修又賦 山間種菰十首 題邵武胡將祠  
沙縣祝將祠 挽王簡卿侍郎三首 題高九萬菊圃  
挽陳師復寺丞二首 別高九萬 贈醫士楊椿老二首  
挽潘柄 贈輝書記二首 答黃鏞 答陳珽主簿  
寄題胡氏春風堂 送孫明府 答陳璘 辛卯天基節六首  
挽王華甫二首 還黃鏞詩卷 次韻徐懋功餉酒  
答陳瑄修職 挽陳孺人 壬辰春上冢五首  
訪李鋼草堂不遇 題陳遂卿隱居 題林逸人道室  
方氏聽蛙亭 贈鍾主簿父子 寄趙簡叔知宗 贈豫知子  
簡叔和詩再寄 寄姚顛倅 三寄簡叔 寄姚顛州

蔣邁說易 讀金鑿密記 哭鄭君瑞二首 獲研  
再獲一研自和 蔡偉叔講通書 遺編 一念 貧居自警二首  
清明寒食二首 上巳 村墅 進德 答梁文杓  
哭章泉二首 贈馬相士二首 送王堪五首 和南塘食荔枝

卷第十

送西山再填溫陵 水仙花 葵花二首 題鄭寧文卷  
悼阿駒七首 鄭寧示邊報 挽劉學諭 送陳珽戶曹二首  
盱士張季注三畧 送湯伯紀歸番陽 病後訪梅九絕  
陪西山游鼓山 鼓山用趙丞相韻 題真仁夫畫卷  
題龍眠十八尊者 跋米元章帖二首 跋周忌機畫  
題林戶曹寒齋 呈黃建州 過建陽二首 過章戴二首  
答李泉州元善 送趙善州二首 題湯伯紀程文  
和高九萬雪詩 答曾無疑校勘 題袁秘書文藁  
題廬陵羅生詩卷 陳夫人哀詩 挽連夫人  
參與陳公挽詩二首 又二首 重餞趙信州得寢字 送王實之  
鄭丞相生日口號十首 出宿環碧 移宿容邸 桐廬舟中  
朱買臣廟 江山道中 徐偃王廟 漢梁 馮唐廟



新蓬二嶺 春陰 觀僧升座 田舍即事十首  
題趙廣文南墅 寄和湯仲能 送湯季庸監獄 別徐鼎夫  
次韻王元度二首 送趙叔愚赴潯州理掾 離郡五絕

卷第十一

寄徐直翁侍郎二首 和仲弟十絕 丁酉元日七首  
用延平葉夷成韻 題黃瀛父詩 次王元度韻  
送范守仲冶二首 挽趙漕簡叔二首 次曹路分韻  
用曹帥韻贈曹路分 次韻永嘉曹君贈詩 謝林大鼎端硯  
挽鄭子敬都承二首 次韻寶之春日六首 挽戴丞  
題永福黃生行卷 送方清孫參學 挽南塘趙尚書二首  
次韻寶之春日十二首 別張季 挽淮東丘升撫幹  
五月旦日紀夢 和張史君 題趙別駕委齋 次張史君韻  
讀印報二首 自和二首 和寶之讀印報四首 再和四首  
挽李儔老二首 挽鄭貢士 梅州楊守鐵菴  
梅州重建中和堂 題張簿尉槎溪集 題陳景升補化度寺碑  
端嘉雜詩二十首

卷第十二

洛陽橋三首 泉州南郭二首 同安 龍溪道中  
木綿舖 靈著祠 韓祠三首 留衣菴 潮惠道中  
循梅路口四首 白雲菴 叱馭菴 將至海豐  
東坡故居二首 豐湖三首 羅浮八首 扶胥三首 兼舶  
兼諸司二首 唐子西故居二首 風幡堂二首 羊城使者廟  
江南五首 即事十首 藥洲四首 登城五首 城南  
題蕭則山文編二首 題唐察院詩卷二首 次韻黃殿講鳴佩亭  
廣州勸駕 廣州都試 燈夕二首 次韻二首  
哭蟾子二首 蒲澗寺 越臺 次韻劉帥出郊  
次韻李倉春游 挽崔丞相三首 陸賈二首 浴日亭  
追和坡韻一首 白鶴故居 唐博士祠 六如亭  
再題六如亭 十五里沙 道中和方孚若題壁

卷第十三

送項季約使君二首 送王梅州二首 癸卯燈夕次揚守韻二首  
辛卯春日 挽林煥章二首 送趙阜主簿  
挽游勉之侍郎二首 挽唐伯玉常卿二首 送居厚弟堂稟二首  
居厚不果行次韻二首 居厚得祠復次韻二首



贈蜀士盧石受二首 送陳寔之官連州 挽林承奉  
挽姚漕貴叔 挽陳開國二首 挽王居之寺丞二首  
挽方彛員士 題黃仲炎文卷二首 和吳教授投贈二首  
和張簡簿尉韻 用玉去非韻送林元質二首  
送李察院赴潮州二首 賀王實之得第二子 送方蒙仲赴省  
書事二首 送葉士巖二首 甲辰春日二首 題小室二首  
送表弟方時父 送葉桂發助教 建陽馬氏晚香堂  
贈施道州二首 送楊彥極提刑二首 題陳寔詩卷  
夢方孚若二首 哭孫季蕃二首 懷曾景建二首  
洪內翰哀詩二首 送李漕用之二首 答謝法曹  
次王實之家塾韻 喜湯伯紀登第 泛舟十絕  
飲方園十絕 跋江貫道山水十絕

卷第十四

雜詠一百首

卷第十五

雜詠一百首

卷第十六

讀竹溪詩 甲辰書事二十首 送王實之倅廬陵二首  
送葉士龍還考亭精舍 題李斗南詩卷 題安仁陳慧父詩卷  
讀樂平吳榮書鈔 挽湯仲能二首 無題  
番場紫極宮次太白韻 用韻答王侍郎 答廬陵彭士先  
題方友民藏紫岩西山帖 答陳懋伯二首 送黃允恭隱君  
送方時父 題宋謙父四時佳致樓 題宋謙父詩卷  
寄揚休文高士 題倪上人詩卷 題羅亨祖叢菊  
題餘干姚三錫書鈔 挽李秀岩二首 用南塘韻題尹剛中潛齋  
次南塘韻呈伯紀子潛 題蔡焯詩卷二首 題汪道士雲菴  
次南塘韻送別二首 餞高著作守嚴陵 進經筵講禮記徹章詩  
恭和御製徹章詩 丁未春五首 和鍾子鴻二首  
題端溪王使君詩卷 疊前韻 三疊 挽陳惠倅 挽姚循州  
荔支盛熟四絕 石塘感舊十絕 九日登岩過丁元暉  
工部弟墓二首 題林璞平寇錄 季父習靜哀詩四首  
工部弟哀詩二首 挽方寶學三首 挽方孺人  
陪諸先輩題名用福公韻二首 答循倅潛起 過季父新阡

卷第十七



詩話上

卷第十八

詩話下

卷第十九 詩餘

哨遍一 六州歌頭一

賀新郎三十一 沁園春九

摸魚兒三 一剪梅二

滿庭芳一 鷓鴣天二 卜筮子三

卷第二十 詩餘

滿江紅十四 風入松四

水龍吟四 浪淘沙四

念奴嬌五 木蘭花慢四

最高樓二 臨江仙四

昭君怨二 清平樂四

長相思五 菩薩蠻一

玉樓春一 生查子一

憶秦娥五 鵲橋仙一

踏莎行一 水調歌頭八

後村居士文集目錄

卷第二十一 記

汀州重建譙樓記

端平江閩題名壁記

建寧府新建譙樓記

邵武郡治譙樓記

建寧府學明倫堂記

尤溪縣復平糶倉記

味書閣記

汀州鶴鳴菴記

鄂州貢士田記

風月窩記

艾軒祠田記

建陽縣廳續題名記

晉江縣飛鳥堂記

淮東總領所寬廡堂記

卷第二十二 記

雲泉精舍記

古田縣二祠記

新修三步泄記

興化軍新城記

重修太平陂記

重修通判廳記

聽雨堂記

陳曾二守生祠記

興化軍平糶倉記

漳州代輸丁錢記

登聞檢院續題名記

華亭縣平糶倉記

卷第二十三 序

甲申同班小錄序

和平志序代

送陳東序

劉圻父詩序

送高上人序

陳敬叟集序

瓜圃集序

退菴居士集序

艾軒先生集序

野谷集序

賈仲穎詩序

張尚書集序

王南卿集序

石塘閑話序

竹溪詩序

王卿子文詩序

趙寺丞和陶詩序

卷第二十四 序

趙虛齋注莊子內篇序

唐人五七言絕句序

本朝五七言絕句序



中興五七言絕句序 王隱君六學九書序 季父易藁序  
張昭州集序 網山集後序 樂軒集序 江西詩派小序

卷第二十五 啓

上傳諫議 上制置李尚書 謝制置李尚書  
謝傳諫議舉著述 賀安宣撫除少保 賀傳諫議休致  
代通趙西宗 赴辟廣西通帥 謝聶侍郎舉著述  
改官謝丞相 謝胡禮侍舉著述 謝卿郡應詔薦舉  
謝傳諫議應詔薦舉 通安撫王侍郎 回交代葉承議  
謝臺諫舉陞陟 謝聶閣學舉自代 謝葉尚書薦 謝沈提舉薦

卷第二十六 啓

謝葉秘監舉陞陟 謝王侍郎舉所知 上程給事  
謝程內翰薦 除潮倅謝丞相 謝臺諫 除仙都謝丞相  
謝臺諫 除吉倅謝丞相 代上西山二 謝西參政  
除將作簿兼參議謝西山 謝丞相  
謝洪中書舉自代 謝余中書舉自代 除宗簿謝丞相  
除王局觀謝二相 除雲臺觀謝丞相 謝諸府

卷第二十七 啓

廣東提舉謝李丞相 通唐經畧 賀石相還朝  
廣東漕謝二相 除崇禧觀謝丞相 謝三府 謝史端明  
再除崇禧觀謝丞相 謝史端明 謝諸府 賀范左相  
賀杜右相 賀鄭丞相除少保醴泉觀使侍讀 江東憲謝鄭少保  
謝丞相 謝給舍侍從 謝臺諫 賀謝司諫 賀劉察院 賀江察院

卷第二十八 啓

賀鄭少傅 除將作監直文華閣謝丞相 謝臺諫給舍侍從  
賀鄭少師 賀湯司諫江小坡 賀鄭侍御  
賀謝殿院 謝王實齋舉自代 遂 受告謝程中書  
謝王侍郎舉自代 楚 回賈制置 答韓徽州  
答池州魏通判 賜第謝丞相鄭少師二府 賀鄭丞相  
賀二府 除秘撰閩憲謝啓三

卷第二十九 樂語上梁等文

樂語五 上梁文三 慈濟殿 建陽縣 徐潭草堂 雜啓十九

卷第三十

疏十五 青詞三十五

卷第三十一 題跋



跋宋氏絕句 跋趙忠定朱文公與林井伯帖 跋馬揖菊譜  
跋艾軒繳駁奏藁 跋朱文公與陳丞相帖 跋柯豈文詩  
跋宋吉甫和陶詩 跋卓景福臨淳化帖 跋王實齋送林孟芳序  
跋李敏膚詩 跋先君與耿氏帖 恭跋御製二帖  
跋吳棊書說 贈日者呂丙 題汪薦文卷 跋裘司直詩  
跋宋自達梅谷序 題宋自達詩 題程垣詩卷 題趙焜詩卷  
題葉介文卷 贈日者許澄之 跋蔡端明茶錄  
跋蔡端明真草文文 跋蔡端明書唐太宗哀冊  
跋山谷書范滂傳 跋王元遂詩

卷第三十二 題跋

跋東坡聽琴水調及山谷帖 跋蔡端明帖二  
跋朱文公與方耕道帖二 跋南軒與方耕道帖  
跋南軒送方耕道詩 跋魯簡肅吳文肅宋次道帖  
跋蘓才翁二帖 跋劉原父陳述古帖 跋趙清獻公帖  
跋陳了翁鄭介夫帖 跋余襄公帖 跋陳懶散王晉卿帖  
題丘攀桂月林圖 跋許教一鶚廷策 跋韓致光帖  
跋蔡端明書唐人詩帖 跋林竹溪禊帖三 跋伯時臨韓幹馬

跋戴嵩牛 跋王摩詰渡水羅漢 跋江貫道山水  
跋厲昂真夕陽圖 跋韓幹三馬 跋信菴墨梅  
跋李伯時畫十國圖 跋米南宮帖 跋放翁與曾原伯帖  
跋舊潭帖 跋馬和之覓句圖 跋石鼎聯句圖  
跋楊通老移居圖二 跋石虎禮佛圖 跋明皇聽笛圖

卷第三十三 祭文

祭趙仲白 祭豐宅之即中 祭方孚若寶謨 祭李蘄州  
祭方武成 祭李尚書 祭袁侍郎 祭李監丞東  
祭方孚若掩坎 祭方氏表弟 祭趙縣丞 祭傅諫議  
祭夔漕王中甫 祭亾室四 祭陳北山 祭外舅  
祭仲胡方尚書 祖奠外舅 祭陳師復寺丞 祭胡伯園尚書  
祭周淳仁 寺官祭西山

卷第三十四 祭文

路祭西山先生 代宰執祭曾知院 墓祭西山先生  
祭鄭子敬左司 祭張敏則都承 祭余子壽尚書  
祭丁元暉給事 祭南塘趙尚書 祭崔相二 祭黃船市二  
祭李左相 祭顧君立 祭妻弟林養直 祭林煥章環



祭游勉之侍郎 祭唐伯玉常卿 祭百五姪 祭趙叔愚  
祭湯仲能 祭都官兄 祭徐仁伯

卷第三十五 祭文 哀詞

祭季父習靜 祭工部弟 祭古田弟 祭從母陳恭人  
祭寒齋 祭方德潤閣學 祖奠工部弟 祭工部弟掩坎  
祭王實之少卿 祭鄭伯昌吏部 祭杜子昕尚書  
祭魏國三 祭臞軒掩坎 代祭故相 秦伯舉哀詞

卷第三十六 祝文

祝文八十九首

卷第三十七 墓誌銘

趙仲白 林沅州 叔母方宜人 代 林程卿 方武成  
閻阜楊道士 卓推官 教器之 方子默 鄭孺人  
王翁源 亾室

卷第三十八 墓誌銘

巴陵方通判 外舅林明道 姚元泰 顧安仁 林龍溪  
李節婦 陳太孺 丁元有 方子約 柯孺人  
方東叔 黃柳州 周夫人

卷第三十九 墓誌銘

杜郎中 知常州陳寺丞 賢首座塔 林煥章 林養直  
孫花翁 林判官 林承奉 趙孺人 林處士

卷第四十 墓誌銘

王孺人 林寒齋 少奇 審淵弟 叔父習靜  
陳孺人 方寧鄉 方揭陽 方閣學

卷第四十一 墓誌銘

劉君方氏 刑部趙郎中 潘庭堅 陳安人 方潛仲  
司農王少卿

卷第四十二 表 跋

擬代謝表七 代遺表二 袁州謝表 廣東提舉謝表  
廣東運判謝表 江東提刑謝表 袁州貢布表  
江東謝戒諭減吏表 賀明堂禮成表 賀皇后歲 進銀狀  
謝明堂赦表 除梓作監華文閣謝表 謝賜同進士出身表  
經筵徹章轉官謝表 除秘閣修撰福建提刑謝表

卷第四十三

玉牒初草



卷第四十四

玉牒初草

卷第四十五 書

丁丑上制帥

戊寅與制帥論海州

庚辰與方子默僉判

辛巳答傅諫議

乙酉答真侍郎

乙酉與胡伯園待制

乙酉答傅諫議

戊子答真侍郎論選詩

卷第四十六 書

與鄭丞相十三

與喬丞相

與李丞相三

與游丞相六

卷第四十七 書

與游丞相二

與范丞相二

與范杜二相

與宰執

與高樞密

與郭小坡

與吳永叔尚書

與鄭昭武

與南雄翁教授

答林公琰監場

卷第四十八 行狀

寶章國博林公行狀

寶謨寺丞方公行狀

卷第四十九 行狀

開府忠簡傅公行狀

卷第五十 行狀

參政真公行狀

後村居士集目錄

建功即新差昭州司法參軍林

秀發編次



後村居士詩卷第一

詩南嶽舊藁

郭璞墓

先生精數學卜穴未應疎因捋虎鬚死還尋魚腹居如何師鬼谷却去友靈昏此理憑誰詰人方寶葬書

魏太武廟

荒涼瓜步市尚有狒狸祠俚俗傳來久行人信復疑亂鴉爭祭處萬馬飲江時意氣今安在城笳暮更悲


徐孺子墓

今晚安墳意梅仙舊解傍醢成龍不至羅設鳳高翔黨錮人俱燼先生骨尚香小詩拈未出何以侑椒漿

宿莊家二首

初秋風露變偶出憇莊家原稼無全穗陂荷有晚花踈鐘踰澗響微月轉林斜鄰媪頭如雪燈前自績麻茅茨迷詰曲度谷復踰陂世上事如許山中人不知牛羊晴臥野鶩驚晚歸池粗識為農意秋輸每及時

北山作





骨法枯閑甚，惟堪作隱君。山行忘路脉，野坐認天文。字瘦偏題石，詩寒半說雲。近來仍喜曠，閑事不曾聞。

早行

店嫗明燈送前村，認未真山頭雲似雪。陌上樹如人，豈覺高星少。纔分遠，新何煩看埃子來往，暗知津。

黃檗山

出縣半程遙，松間認粉標。峯排神女峽，寺創德宗朝。鶴老巢高木，僧寒曬墮樵。早知人世淡，來往退居寮。

第三龍湫

絕頂謁龍公，森寒石作宮。路盤青碧上，瀑瀉白雲中。僧說聞雷出，人疑與海通。幾時陰晦夜，來此看擎空。

客中作

漂泊何須遠，離鄉即旅人。吹薪嘗海品，書刺謁田鄰。家寄寒衣少，山來曉夢頻。小兒仍病瘡，詩句竟無神。

小寺

小寺無溪逕，行時認藓痕。犬寒鳴似豹，僧老瘦于猿。澗水來旋磨，山童出閉門。城中梅未見，已有數株繁。

晚春

花事匆匆了，人家割麥初。雨多田有鵲，潮小市無魚。秃筆回僧簡，衰衣看古書。經年稀見客，磬折轉生疎。

哭葉孝錫教授

瘴雲深處死，太息奈君何。詩友俱來弔，埋銘久未磨。箕裘無子繼，書畫落人多。舊宅今移主，斜陽掩涕過。

夜過瑞香庵作

夜深捫絕頂，童子旋開扉。問客來何暮，云僧去未歸。山空聞瀑瀉，林黑見螢飛。此境惟予愛，他人到想稀。

送薛明府

長官三載內，屢被督郵嗔。鎮靜笞刑少，公清縣庫貧。減租霑野老，掃榻待詩人。秭恐鳧飛後，民間事事新。

蒜嶺

到此思家切，寒衣半淚痕。燒餘山頂秃，潮至海波渾。僕怕昏無店，人言近有村。吾生輸野老，笑語掩柴門。

示觀老

住山仍黑瘦，瓶錫極蕭然。頂髮千莖雪，跣趺一縷烟。禪堪拈出衆，詩亦長於前。



燒盡西窗燭相首各不眠

武步道中

一路荒涼極無端過此頻官於鹽起稅俗事盡為神暝色初逢驛溪聲只隔鄰  
留題空滿壁不見有詩人

浦城道中

纔入仙霞路重裘尚不支居人收相實客子辦梅詩地濕然箕坐霜寒隔被知  
向來真錯計不買草堂基

幽居寺

相傳有儒者唐季隱茲峰電已收遺藁雲方鎖暮鐘木碑無世次石洞斷人蹤  
此士何曾死林深不可逢

大目寺

來人云虎出留此到昏鐘寺小於諸刹山高似衆峰未寒先得雪已夏尚如冬  
老子曾游浙微微有辨鋒

哭容倅舅氏二首

老赴容州辟移書勸不回客迎蕭寺哭喪附海舟來瘴雨銘旌暗空山梵磬哀  
未知墳上柏此去幾時栽  
尚記陪言笑如今叫不應兒分身後俸僧上殯前燈宅有遺基在田無一畝增

問天何至此在日以廉稱

吳大帝廟

露坐空山裏英靈喚不回久無祠祭至曾作帝王來壞壁蟲傷畫殘爐鼠印灰  
今人渾忘却江左是誰開

鐵塔寺

細認苔間字方知鑄塔時不因兵廢壞似有物扶持古殿人開少深窗日上遲  
僧言明受事相對各攢眉

聰老

聰老才堪將髮緇意未平僧中能結客禪外又談兵喜聽詩家話多知虜地情  
何當長鬢髮遣戍國西營

哭薛子舒二首

醫自金壇至猶言疾可為瀕危人未信聞死世皆疑友共收殘藁妻能讀殮儀  
借來書冊子掩淚付孤兒  
忍死教磨墨留書訣父兄讀來堪下淚寄去怕傷情墓要師為誌詩於世有名  
夜闌秋枕上猶夢共山行

贈川郭

川郭顛狂甚平生挾術游老猶携侍女貧不諂公侯用藥多投病誚錢或掉頭



金陵官酒貴應典舊貂裘

贈錢道人

除了布裘外都無物自隨  
既能行大雪飢但噉華池  
說相言多驗嫌錢事更奇  
一椀難曉處裝背貴人詩

張麗華墓

臺上柏蕭蕭空堂閉寂寥  
芳魂三尺土往事幾迴潮  
墮翠尋難見埋紅恨未銷  
猶勝江令在白首入隋朝

送鄒景仁

衝寒何處去新成尚來年  
客勸休辭幕君言已買船  
霜清江有蟹葉脫木無蟬  
若過東林寺携家往問禪

二將 石侯韓仔

二將同時死路人聞亦哀  
力窮磨轉急圍厚突難開  
戰骨尋猶在殘兵間有迴  
傷心郵遞裏隔日捷書來

陳虛一

幾載皖山耕忽提孤劍行  
戰場中有骨尺籍上無名  
馬自尋歸路身空試賊營  
却疑兵解去曾說鍊丹成

揚州作

幾多精甲沒黃沙野哭遙憐  
戰士家衣渡月明空粉堞  
蕪城烟斷只昏鴉  
伯聞漢使放王醢尚喜胡兒  
剖帝妃怡悵兩淮蠶織地  
春風不復長桑芽

南浦亭寄所思

只是從前瘦病身官卑活計  
太清貧買來晉帖多成贗  
吟得唐詩轉逼真擬棄家  
尋劍客死當移家近騷人  
秋風爛熳吹雙鬢自送停  
雲欲愴神

蒜嶺夜行

嶺頭無復一人來漁店收燈  
戶不開松氣滿山涼  
侶雨海聲中夜近如雷  
擬披醉髮橫簫去只寄紳  
書與劍迴他日有人傳  
肘後尚堪收拾作詩材

別教罷之

舊說閩人苦節稀先生獨抱  
歲寒姿老年絳帳聊開講  
當日烏臺要勘詩東閣不  
游綠有氣草堂未架為無  
質輕煙小雪孤山路折賸  
梅花寄一枝

哭楊吏部通老

白首除郎已晚哉民間桑柘  
手親栽蓋棺只著深衣去  
行李空擔語錄迴主祭遺  
孤猶未冠著書殘藁湧成  
灰可憐薄命飄蓬客虛事  
江西莫府來

老歎

肘後奇書懶更開只今年鬢  
已相催但聞方士騰空去  
不見童男入海迴無藥能  
留炎帝在有人曾哭老聃  
來醉鄉一路差堪向終擬  
劉伶冢畔埋



答友生

讀易參禪事事奇，高情已恨掛冠遲。清於楚客滋蘭日，貧似唐人乞米時。家為買琴添舊債，厨因養鶴減晨炊。君看江表英雄傳，何似孤山一卷詩。

趙清獻墓

南渡先賢迹已稀，蕭然華表立山陂。可曾長吏修祠宇，便恐樵人落樹枝。幾度過墳偏下馬，向來出蜀只携龜。自憐日暮天寒客，不到林間讀隧碑。

烏石山

客子家山亦此峯，可堪投宿聽疎鐘。旋沽村酒開霜柿，欲訪禪扉隔暮松。鄉信寫成無便寄，寒衣著綻倩人縫。遠來只為營瓜圃，不是貪渠萬戶封。

除夕

憶昔都城值歲除，高樓張燭戲呼盧。久依淨社參尊宿，難向新豐認酒徒。天子未知工草賦，鄰人或倩寫桃符。夜寒別有窮生活，點勘離騷擁地爐。

呈袁秘監

近日頻聞有峻除，人傳君相重師儒。細旃坐穩方輪講，羣玉峯高未要扶。別後曾過東閣否，新來亦乞鑑湖無。幾時供帳都門外，真寫先生作畫圖。

漁梁

春泥滑滑雨絲絲，一路陰寒少霽時。水入陂渠喧似瀑，雲從山崦上如炊。燎衣

去傍田家火，炙燭來看野店詩。落盡梅花心事惡，獨搔蓬鬢遶殘枝。

小梓人家

生來拙性嗜清幽，因過山家為小留。頂笠兒歸行樹杪，提瓶婦去汲溪頭。參天老竹當門碧，盡日寒泉遶舍流。我料草堂猶未架，規模已被野人偷。

送拄杖還僧

頭白高僧行脚嬾，一枝筇竹久生苔。不逢太乙然藜照，時借山翁荷篠迴。夜掛多尋蕭寺壁，曉拈恐化葛陂雷。還師此物禪須進，曾入詩人手內來。

雪峯寺

七里深林集暮鴉，挿空金碧被林遮。華堂何止容千衲，菜地猶堪置萬家。虎去有靈知伏弩，僧來叙舊約分茶。世人要識峯頭冷，六月重綿坐結跏。

蓋竹廟

借榻叢祠日已曛，辭香頻此謁靈君。儻來夢事休重卜，向去詩材進幾分明。主不消人諫獵故，山空使客移文寄。書報與荆妻說，十襲荷衣莫要焚。

瓜洲城

先朝築此要防邊，不遣胡兒見戰船。遮斷難傳河朔檄，修來大費水衡錢。書生空抱聞雞志，故老能言飲馬年。慙愧戍兵身手健，箔樓各占一間眠。

送仲白



官舍蕭條葦蓋簷拾薪獨有一長髯同來社友因飢瘦遠竹參軍得俸廉國士  
交情窮乃見古人詩律晚方嚴中年各要身強健別後寒衣切記添

鳳凰臺晚眺

經月踈行臺上路秣陵城郭忽秋風馬嘶衛霍空營裏螢起齊梁廢苑中野寺  
舊曾開玉帳翠華久不幸離宮小儒記得隆興事閑對山僧說魏公

贈玉隆劉道士

觀中曾訪老黃冠爾尚為童立醮壇新染氎衣披得稱舊泥丹竈出來寒詩非  
易作須勤讀琴亦難精莫廢彈憶上洪崖題瀑布因游試為拂塵看

晉元帝廟

元帝新祠西郭外野人弔古獨來游陰陰畫壁開冠劍寂寂絲窠上瓌旒勢比  
龍盤猶在眼事隨鴻去不回頭葉碑廊下無人看欲去摩挲又少留

清涼寺

塔廟當年甲一方千層金碧萬緇郎開山佛已成胡鬼住院僧猶說李王遺像  
有塵龕壞壁斷碑無首立斜陽惟應駐馬坡頭月曾見金輿夜納涼

冶城

斷鏃遺鎗不可求西風古意滿原頭孫劉數子如春夢王謝千年有舊游高塔  
不知何代作暮笳伴說昔人愁神州只在闌干北度度來時怕上樓

雨華臺

昔日講師何處在高臺猶以雨華名有時寶向泥尋得一片山無草敢生落日  
磬殘鄰寺閉晴天牛上廢陵耕深臨不用深懷古君看鍾山幾箇笋

新亭

此是晉人游集處當時風景與君同不干鐵鎖樓船力似是蒲葵塵柄功幾簇  
旌旗秋色裏百年陵闕淚痕中興亡畢竟緣何事專罪清談恐未公

魏勝廟

天與精忠不與時堂堂心在路人悲龍顏帝子方推轂猿臂將軍忽死綏灑泣  
我來瞻畫像斷頭公恥立降旗海州故老凋零盡重見王師定幾時

真州北山

憶昔胡兒入控弦官軍迎戰北山邊茄簫有主安新墓葦笠無人墜廢田兵散  
荒營吹成笛僧從敗屋起茶烟遙憐鍾阜諸峯好閑鎖行宮九十年

故宅

恰則炎炎未百年今看枯柳着踈蟬莊田置後頻移主書畫殘來亦賣錢春日  
有花開廢圃歲時無酒滴荒阡朱門從古多如此想見魂歸也愴然

送余子壽

去歲與君同聘召何曾杯酒暫相離兵謀元帥多親訪心事同官盡得知三釜



忽懷歸去檄一枰未了着殘棋此生聚散須牢記記上揚州戰艦時

送周監門

一領青衫似敗荷奈君母老秋早何三年幕府無人薦常日柴門有客過身畔  
擔輕藏俸少江頭船重載書多故人若問軍中事為說防秋夜枕戈

挽黃巖趙即中二首

朱公徒弟丘公壻標致雖高氣宇和心向奏篇尤暴白髮因時事欲蒼皤訃傳  
淮甸邊情惜路出蕭山巷祭多最久即君師友盛我知墓碣有人磨  
青衫昔作督郵時賞鑒除公更有誰勘獄不嫌人守法撰文嘗對眾稱奇築臺  
虛辱生前意穿冢難誅地下知欲寫哀思傳挽者身今戎服不能詩

寄趙昌父

世上久無遺逸禮此翁白首不彈冠一生官職監南獄四海詩盟主玉山經歲  
著書人少見有時入郭俗爭看何因樵服供薪水得附高名野史間

寄韓仲止

昨仕京華豪未減脫鞵不問貴游嗔詩家爭欲推盟主丞相差教作散人閉戶  
自為千載計入山又忍十年貧幾思投劾從公去背笈肩琴澗水濱

戊辰書事

詩人安得有春衫今歲和戎百萬縑從此西湖休插柳刺栽桑樹養吳蠶

晚春

書幌冷於子夜風杜鵑啼月小牆東江南詞客惜春老清曉披衣拾墮紅

臨溪寺二首

綠染庭蕪一尺深老師閱世幾駒陰自言不看傳燈了只讀楞嚴見佛心  
一徑松花飈紫苔東風落盡佛前梅道人深掩禪關坐莫聽鶯聲出定來

即事

自汲新泉養牡丹銀壺滿貯怕春殘畫簷一餉東風惡為掩窗綃護晚寒

孺子祠

孺子祠堂棹酒旗游人那解薦江離白鷗欲下還驚起曾見陳蕃解榻時

碧波亭

了却文書上馬遲白蘋洲畔有心期斜陽忽到傳觴處落盡梨花啼子規

豫章溝

溝水泠泠草樹香獨穿支徑入垂楊薺花滿地無人見唯有山蜂度短牆  
野店蕭蕭掩竹門岍沙猶記履綦痕東風枉是吹花急綠盡平蕪却斷魂

題寺壁二首

柏子熏衣眉暈銷女垣榆影冷蕭蕭屏山一枕游方夢橫錫飄然過石橋  
素練寬裁白社衣普陀煙裏現幽姿日長讀徹楞嚴了閑折柑花供祖師



西山

絕頂遙知有隱君，食芝種木鹿為羣。多應午竈茶煙起，山下看來是白雲。

宮詞四首

出海新蟾玉半鉤，風翻荷蕩起栖鷗。女郎定有穿針約，偷看明河記立秋。  
涼殿吹笙露滿天，木犀花發月初圓。君王少御珊瑚枕，多就宮人玉臂眠。  
一夜秋風入碧梧，蟬聲永巷月華孤。幾迴夢裏羊車過，又是銀床轉轆轤。  
先帝宮人總道粧，遙瞻陵柏淚成行。舊恩恰似薔薇水滴在，羅衣到死香秋風。

黃葉蕭蕭忽滿街，獨騎瘦馬豫章臺。莫將宋玉心中事，吹向潘郎鬢畔來。

跋小寺舊題

禪兒曾陪白氎巾，柑花似雪鬪芳新。而今柑子圓如彈，不見流花供佛人。

憶殤女

靈照羈魂章水西，冷風殘雪古招提。老懷已作空花看，更把楞嚴曉病妻。

報恩寺

一抹斜陽上綠垣，芫花滿地柏陰繁。城中客子聞鐘去，獨立空山聽斷猿。

歸至武陽渡作

夾岸盲風掃棟花，高城已近被雲遮。遮時留取城西塔，蓬底歸人要認家。

舟中寄景建

低篷小雨夢殘時，忽憶同尋楚老祠。夜過豐城占斗氣，想公別後有新詩。

書山壁

斲地栽林自起墳，一燈精舍疏玄文。詩成莫洒酒家壁，題徧青山題白雲。

華嚴寺逢舊蒼頭

曾向叢林寄幅巾，十年塵浣卧雲身。侍琴童子長於竹，去禮山僧作主人。

田舍

稚子呼牛女拾薪，萊妻自繪小溪鱗。安知曝背庭中老，不是淵明輩行人。

古墓

石麟闕耳筍生苔，要讀豐碑與客來。精舍荒涼僧已出，瓦墻一朶佛桑開。

題本草

勤讀方書不為身，里中蒼舊半成塵。幾時作箇荒山主，多種黃精售與人。

下蜀驛

幄殿荒涼屋欠扶，紹興遺老故應無。舊來曾識高皇帝，尚有庭前柳一株。

出郭

江邊一雨洗秋容，北郭東郊野意濃。老大怕它人檢點，隔溪隔柳有芙蓉。

病起

...



病起登樓怯曉風愛他殘雪映前峯傍人休問何郎瘦不見梅花過一冬

再贈錢道人二首

拙貌慙君子細看鏡中我自覺神寒直從杜甫編排起幾箇吟人作大官  
尋師入蜀未曾逢要看羅浮曉日紅若見仙人知去處却來相引到山中

後村居士詩卷第一

後村居士詩卷第二

詩南嶽第一藁

蒙恩監南嶽廟

久問嫖姚乞退閑今朝準勅放生還人欺解罷青油幕帝遣監臨紫蓋山營卒  
展辭回玉帳林僧講賀到柴閨丈夫不辦封侯事猶要名標處士間

烏石山

兒時逃學頻來此一重尋盡有蹤因漉戲魚羣下水綠敲響石闌登峰熟知  
舊事惟鄰叟催去韶華是暮鐘畢竟世間何物壽寺前雷仆百年松  
葺居一首

兵火間闕鬢欲絲歸來聊卜草堂基架留手澤書堪看爨有躬耕米可炊畏濕  
先開通水竇貪明稍斫近簷枝旋移梅樹臨窗下準備花時要索詩

挽郭處士

昔聞東郭先生者處士寧非是遠孫空有新詩喧一邑竟無明詔老孤村雷琴  
酷愛應同殉草字尤工惜不存復說歸從葱嶺去騷成何路可招魂

老将一首

昨解兵符歸故里耳聽邊事幾番新偶逢戲下來猶識欲說遼陽記不真兒覓  
寶刀偏寶惜奴吹蘆管慙悲辛夜寒忽作閨山夢萬一君王起舊人

老馬一首

脊瘡蹄蹇瘦闌干火印年深字已漫野碕有冰朝洗怯破坊無壁夜嘶寒身同  
退卒支殘料眼見新駒鞞寶鞍昔走塞垣如抹電安知末路出門難

老妓一首

籍中歌舞昔馳聲憔悴猶存態與情愛說舊官當日寵偏呼狎客小時名薄鬢  
易脫梳難就半被常空睡不成却羨鄰姬門戶熟隔樓張燭到天明

挽趙仲白二首

生被才名謹摧殘到死休家留遺藁在棺問故人求對月悲孤詠逢山憶共游  
昔年携手地今送入松楸



昨弔寢門外萊妻泣最悲因言兒上學復為墓求碑零落燒丹訣淒涼哭鶴詩  
託孤朋友事非謂九泉知

贈風水僧

向人說葬又談空郭璞瞿曇併入宗背得山經如誦咒頂將禪笠去尋龍偏為  
檀越栽生壙預定公侯出某峰想亦自營歸寂處一丘卯塔種青松

挽鄭夫人二首 李尚書母

九秋復何憾生榮沒更哀閨門天下則地位佛中來貝葉從頭看庭槐一手栽  
侍兒聞曉磬猶恐坐禪迴

昔事征西幕年年拜壽闈那知丹旆至曾勸板輿歸元帥拋金印諸生返布衣  
感恩惟有淚來向路傍揮

除夕

除夕陰寒怕卷簾雨聲斷續下疎簷壁穿自和乾泥補窗損教尋廢紙粘楹有  
青燈相守定縱無白髮亦生添更殘自算明年事不就君平卦肆占

挽鄭淑人 李尚書內

憶在軍中為記室謝公門館事皆知謙卑若婦初嬪日儉素猶夫未貴時病了  
死生惟點首晚憂家國每顰眉舊人獨有任安在攬涕西風獻些詞

悼阿昇

寶惜吾兒如拱璧那知變滅只須臾畏帝尚宿通宵火塗頰猶殘隔日未坐客  
相寬云夢幻故人來弔訝清癯荒山歲晚無行跡心折原頭樹影孤

送真舍人帥江西八首

諫書元不為求名上有穹蒼鑒至誠索虜傳觀皆動色豈知難悟漢公卿  
聞道泉人截鞶留翰林從此去吾州却中父老相持泣但祝公侯似故侯  
舶客珠犀湊郡城向來點沈幾名卿海神亦歎公清德少見歸舟箇樣輕  
應對詼諧路亦開漢家天子日招徠當時惟有膠西相不向平津閣裏來  
淮漢云云戰血腥蜀山鬼哭不堪聽如何一綫江西路獨現奎星併福星  
自昔安危等置棋繁人着數匪天為何因國手來當局要看開奩布子時  
少小聞人說復讐至今禾黍徧宗周自憐謝病離軍去始聽王師下海州  
身已為民與世疎的無一步離村居昨朝出郭遲公至廢了窗間數葉書

與客送仲白葬回登石室

絕頂荒寒斷客過偶携之子共捫蘿縱觀天外皆鯨浸下視城中等蠹窠悼友  
孤懷方渡落逢僧逆境暫銷磨夜歸剩乞松明火霜滿前山滑處多

立春二首

恰歸舊隱再逢春却巷荒涼草沒人犬壞園中門作竇盜規墳上樹為薪官如  
巫祝難羞賤家似漁樵敢諱貧聞說鄰醅低價賣病夫一滴未沾脣



今歲春盤始住家也勝羈旅走天涯圃晴菜圻經霜甲林暖梅飛徧地花開有  
工夫夏世事老無勲業惜年華近來死盡吟詩者得句聊從野叟誇

去春

去春烽火照江邊曾草軍書夕廢眠萬里旌旗真屬命一丘耕釣且隨緣偶然  
謝客原非病間亦尋僧不為禪尚有惜花情味在銅餅終日玩芳妍

燈夕

千炬金炬映玉蕖臺城昨夢又年餘斷無絃索鳴華屋惟見炊烟起草廬兒報  
瓶空因止酒婢言油盡暫停書蓬窗亦有精勤士何必然慕向石渠

戲孫季著

少日逢春一味癡輕鞭小袖趁芳時常過茶肆租船出或在禪林借枕歇名妓  
難呼多占定好花易落况開遲身今憔悴投空谷悔不當年秉燭嬉

匹馬

匹馬曾經小店炊一株玉雪映疎籬無言誰識含情處有韻全看背面時乍見  
心方驚絕艷重來人已折繁枝斷烟殘照山村路消得劉郎一首詩

宿囊山懷洪岳二上人

憶在山中識二僧一亡一已拂衣行壁間笠徒名蓋掛寺外松過壽塔生隴月  
定知今夕恨澗泉猶叫舊時聲隔房侍者皆新剃不似閑人却有情

訪辟支巖絕頂二僧值雨

聞有比丘隱絕巖多年無跡下山前僧稱功行幾如佛樵說神通復近仙食少  
僅炊盈握米身寒不挂半銖綿重巖風雨妨游陟回眺蒼煙一惘然

送王實之赴長沙幕 殿試第四人

賈傳遺蹤在君於此泛蓮不應卑濕地猶着廣寒仙策好人爭誦名高士責全  
衡山余所管擬結草鞵緣

哭豐宅之吏部二首

江表依公稍自強訃聞朝野共淒涼轟移北府兵皆散笏返西州宅已荒舊戍  
交鋒淮水赤新墳埋劍越山蒼此身虛作田橫客血淚無因滴壠旁  
康時才業未全伸晚建油幢白髮新畚土為城塵滿面握拳猶戰膽通身一生  
偏任公家怨四海皆知後事貧多少貴交方厚祿恤孤弔墓屬何人

深村

身老深村負歲華青苔徑裏是貧家晚風一陣無端不為山人惜柚花

挽林進士

一門皆擢第君獨老儒冠試卷年年納經書日日看文為前輩賞命合主司難  
遙想泉臺恨銘旌未寫官

東人求驢子



聞在江寧得小驢價高人說是名駒行時亦肯過橋否飢後還能飲澗無不稱  
金鞍馱侍女只宜席帽載貧儒灞陵雨雪詩家事乞與他人做畫圖

寄漢陽守王中甫

自辭莫府徑歸耕同舍分携闕寄聲帳下飛書空有草軍中上級獨無名山深  
僕不聞時事塞近君應得虜情聞道漢東堪卧治訊來依舊說招兵

與客登壺山絕頂

十里稀逢寸地平且無木影蔭行人鳧飛難學玉喬鶩魚貫全如鄧艾兵樵子  
獻花簪帽重山靈供水入瓢清捫蘿莫怪匆匆下恐賺林僧索炬迎

戲答同游

君到中峯力不加却疑絕頂事皆誇烟含晚寺微分塔日照鄰州近隔沙

次方武城壺山韻

圖經云此有神仙曾見壺公跳入年斫木人多山漸瘦結庵僧去石誰眠鳥歸  
半嶺銜斜日樵迓疎村起遠烟君若能拋塵裏事一龕共占野雲邊

挽林推官內方孺人艾軒侍郎子婦

身畔無釵澤何由葬禮奢明時選人婦先帝近臣家白首持巾悅青燈緝芋麻  
寺西同窆處風日凄寒茄

方湖泛舟得南字

湖波煙雨綠如藍小艇閑携客二三墜絮颭萍生細浪驚魚避鷺沒深潭入湖  
侶覺傍無岸穿石方知上有巖却凭朱樓同望海一規寒玉帖西南

空寂院

院名誰遣稱空寂入得門來寂又空舊有田園官戶占別無衣鉢老尼窮砌傾  
苔色侵堂上厨廢炊烟起草中或說古碑巢寇寫栖禽不下似傷弓

紫澤觀

修持盡是女黃冠自小辭家學住山簾影靜垂斜日裏磬聲徐出落花間祭星  
綠簡親書字避客青衣密掩閑最愛粉牆堪試筆苦無才思又空還

靈寶道院

兩行松遠垣數箇竹當軒山主出何處道人知不言只携詩草至尚覺磬聲煩  
俗奉鑿仙謹儒家亦捨旂

方寺丞新第二首

宅成天下借圖看始笑書生眼力慳地占百弓多是水樓無一面不當山荷深  
似入茗溪路石怪疑行雁蕩間只恐中原方鼎沸天心未遣主人閑  
一生不蓄買田錢華屋何心亦偶然客至多逢僧在坐釣婦惟許鶴隨船按行  
花木皆僚友主掌湖山即事權京洛貴人金谷裏安知世上有林泉

小齋



小齋自理畫并琴匣貯香薰怕蠹侵出塞已忘傳檄夢入山猶有著書心南船  
不至城無米北貨難通藥闕參却為貧居還住少門前留得綠蕪深

東巖寺避暑

若非來寺裏無地避炎蒸經雨房基潤依山井氣冰榻虛涼睡客松濕滴歸僧  
對此專宜靜為詩亦不應

方寺丞艇子初成

船成莫厭野人過久欲從公具釣蓑積雨晴來湖面濶殘花落盡樹陰多新營  
小店皆依柳舊有危亭尚隔荷所恨前峰含暝色不然和月宿烟波

友人病瘡

自檢方書坐一床教尋蒿白采蒲黃畫眉連日踈粧閣鍊氣通宵住道房倦聽  
瀑聲令睡醒悶拈詩卷遣心涼猶勝華髮從軍客歸卧茅簷養戰瘡

乍暑一首

南州四月氣如蒸却憶吳中始賣冰綠浦游船常載妓畫廊浴鼓或隨僧夢過  
水榭聞涼笛身在山房伴曉燈怡悵烏絲欄上筆蓬窗學寫字如蠅

衛生

衛生草草味周防小郡無瑩自處方採下菊宜為枕睡碾來芎可入茶嘗身因  
病轉添蕭颯人到衰難再盛強舊喜讀書今亦嬾銅鑪慢炷一銖香

先儒

先儒緒業有師承非謂聞風便服膺康節易傳於隱者濂溪學得自高僧象宗  
虛譽相賢聖獨守遺編當友朋門掩荒村人掃迹空鈔小字對孤燈

同孫季蕃游淨居諸庵

捨俗依空事梵王韶顏寂寂度年芳門前草色迷行逕院裏花陰接步廊弓樣  
展來靴尚窄黛痕剝出頂應涼當時若使窺鸞鏡一步何因出洞房

又一首

蒲院靜沉沉微聞有梵音不來陪客語應恐壞禪心母處歸全少師邊悟已深  
戒衣皆自衲因講始停針

孟夏泛方湖得同字

長笛橫吹露滿空施行渾不辨西東岸迴初見遙峰出浦盡新疏別港通月照  
鷺身明石畔風翻螢影沒荷中書生此樂閑時命歎息無因夜夜同

又得湖字

帝賜先生一曲湖畫船領客汎菰蒲覆茅亭子尋猶遠隔柳人家看似無渴嗜  
瀑泉頻遣汲醉行釣岸屢喚扶假令不立功名死史筆須編入酒徒

問友人病

病來清瘦欲通仙深炷香篝掃地眠野客勸尋康藥買外人偷出近詩傳術庸



難靠醫求救俗陋多依鬼乞憐鷗鷺如欺行迹少分明溪上占漁船

偶賦

身已深藏畏俗知客來鄰曲善為辭偶彈冠起成何事徑拂衣歸自一奇仰飲  
婦常留燭待山行童亦挾書隨明時性學尤通顯却悔從初業小詩

滄浪館夜歸二首

萬疋沙場似電奔轟天笳吹簇轅門而今出借東家馬煙雨孤行小麥村  
立馬飛書萬眾看雪花滿硯指皆寒自憐衰憊今如此枕上裁詩字未安

贈翁定

相逢乍似生朋友坐久方驚隔濶餘徧問諸郎皆冠帶自言別業可樵漁佳鄰  
秦系曾居里老讀文公所著書十七年間如電瞥君鬚我鬢兩蕭疎

送孫季蕃

家在吳中處處移的於何地結茅茨囊空不肯投成乞程遠應多稅馬騎短劍  
易錢平近債長餅傾酒話餘悲衡山老祝淒涼甚明日無人共講詩

哭毛易甫

至尊殿上主文衡誰料臺中有異評垂二十年猶入幙後三四榜盡登瀛白頭  
親痛終天訣丹穴雛方隔歲生策比諸儒無愧色自緣命不到公卿

月下聽孫季蕃吹笛

孫郎痛飲橫長笛玉雪曾襟鐵石顏解噴清霜飛座上能呼涼月出雲間病劍  
凍馬嘶荒塞失侶窮猿叫亂山可惜調高無聽者紫髯白盡鬢毛斑

哀陳璫

滿懷干世策自請戍邊城不得兵書力翻成禮部名妓方調錦瑟容已弔丹旌  
都下人來說還因喜喪生

題方武成詩章

性僻愛詩如至寶借君詩卷百迴看吟來體犯諸家少改定人移一字難束瀑  
為題猶天矯吞山入向尚蒼寒嗟余老鈍資磨琢安得同余語夜闌

送劉連江之官

舊說土風淳今聞未易馴勢侵官府弱稅去縣衙負襍印辭州遠開軒與海鄰  
中朝我勇者多用滿歸人

挽柯東海

不持寸鐵霸斯文疇昔曾將膽許君撰出騷詞奴宋玉寫成帖字婢羊欣喪無  
歸費人爭賻詩有高名虜亦聞昨覽埋銘增感愴纍纍舊友去為墳

送客

騎驢送客一壺隨汗透中單熱似炊客又不來天落雨路邊茅舍坐移時

哭王宗可



昨現官身往今迎影子迴摠云鳧入覲誰料鵬為災巷靜公人去門荒吊客來  
故園花滿架猶似去年開

書考一首

香火精勤閱一暮孤臣無路答鴻私銜如已廢陳人樣俸比初開小學時世上  
升沉姑付酒考中功狀是吟詩五錢買得羊毛筆自寫年勞送有司  
哭常權予主靖安縣簿君為令

曾佐下風山縣裏長官貴重若神明行香楚寺徐方至白事琴堂久始迎遠迹  
無書悲契潤老襟有淚愴生平即君如玉聞先天誰護丹旌問去程

穴蟻一首

穴蟻能防患常於未雨移聚如營洛日散似去卯時斷續緣高壁周遭避淺池  
誰為謀國者見事反傷遲

方寺丞除雲臺觀

河嶽腥羶憤未忘羨公送領舊靈光草荒太白騎驢跡雲冷希夷委蛻裳定有  
遺民來獻土可無散吏去焚香吾聞同華多奇觀不比炎州寂寞鄉

哭方主簿

鷄衣不似擁千金用破燈窗一世心太學空聞能賦久春官未察讀書深柴車  
巾出身猶健槐簡拈歸病已侵寂寞殯宮來客少故人野外獨沾襟

陳寺丞續荔支譜

蔡公絕筆山川歇荔子蕭條二百年選貌畧如唐進士慕名幾似晉諸賢豈無  
品劣聲虛得亦有形佳味不然題徧貴家臺詔後請君物色到林泉

棋

十年學奕天機淺技不能高謾自娛遠聽子聲疑有着近看局勢始知輸危如  
巡遠支孤壘狹似孫劉保一隅未肯人間稱拙手夜齋明燭按新圖

宿千歲庵聽泉

因愛庵前一脉泉襟衾來此借房眠驟聞將謂溪當戶久聽翻疑屋是船變作  
怒聲猶壯偉滴成細點更清圓君看昔日蘭亭帖亦把湍流替管絃

題方寺丞西重山瀑布亭

與客窮源上盡山林霏初卷嶺泥乾似嫌甲第施朱戟別築茅亭俯碧湍龍怒  
豈容綠磴汲霄寒不敢近崖看平生粗有登臨膽今日凭高立未安

秋夜有懷傳至叔太博父子

憶昔游君父子間高才窮力莫追攀讀書衆壑歸滄海下筆微雲起太山幼嗣  
尚存宗武在遺文難附所忠還荒丘衰草埋雙璧兀坐空齋涕自潛

書小窗所見

餘接枝分整復斜隨綠裝點野人家小窗有喜無人見蘭在林中出一花



哭宋君輔倚

早題淡墨魁多士晚着青衫事護軍方見叔孫來議禮已傳子夏去修文先朝  
縲籍為圭璧近世摧殘用斧斤回首冶城棋飲地雁淒蟬咽不堪聞

曝書一首

秋齋近午氣尤炎命僕開箱更發奩蟲蝕闕文勞注乙嵐侵脫葉費裝黏雲迷  
玉帝藏書府日在山人灸背簷誰道閑居無一事袒衣揮扇曝芸籤

觀元祐黨籍碑

嶺外瘴魂多不返冢中枯骨亦加刑稍寬末後因奎宿暫仆中間得彗星蚤日  
大程知反覆莫年小范要調停書生幾點殘碑淚一帛諸賢地下靈

荅翁定

牢落祠官冷似秋賴詩消遣一襟愁喜延明月常開戶貪對青山懶下樓客說  
瀑奇邀往看僧誇寺僻約來游何當與子分峯隱飢嗅巖花渴飲流

挽陳潮州伯霆

當年舍選最居優上到青雲亦白頭律賦數篇天下誦遺書幾卷館中留入游  
太乙曾臨地出牧昌黎所典州耆舊凋零今欲盡傷心茄吹掩新丘

聞城中募兵有感二首

調發年多籍半空虎符招補至閩中莊農戎服來操戟太守儒裝學拍弓去日

初辭鄉樹綠到時愁見戎旗紅募金莫作纏頭費留製衣袍禦北風

昔在軍中日募兵萬夫魚貫列行營懸金都市招徠廣立的轅門去取精三石

開弓猶恨少雙重被鎧尚橫輕伍符今屬它人手歷歷空能記姓名

哭張玉父

華髮客朱門文高道又尊十分窮不屈一片氣長存雞掩湖邊宅墳依郭外邨

二孤彈舊鈇泣感孟嘗恩

友人病疴

昔聞詩可驅疴疾今日詩人疾自嬰勢似邊兵鏖未解根同野草剝還生能蠲  
熱障惟山色解洗煩襟只澗聲溪友祝君如虎健督僧栽種課奴耕

書事二首

黃旗旁午責軍需括匠搜船徧里閭士稚去時無鎧仗武戾屯處有儲胥粟空  
都內屢難繼甲出民間策恐踈昔補戎行今簡汰空搔短髮看兵書

人道山東入職方書生膽小慮空長遺民似蟻飢難給使士如鷹飽易矚未見  
馳車修寢廟先聞鑄印拜庚王青齊父老應流涕何日鸞旗駐路旁

李文饒一首

畫取維州如稿葉策禽潞將侶嬰兒九原精爽人猶畏想見中書秉筆時

西風二首



性愛芙蓉淡復穠倚闌日日待西風池邊數本無消息愁絕東家半樹紅  
老業猶存是苦吟或投野店憇寒林西風何處無詩料水際山顛亦去尋

昔仕

昔仕年傷早今歸許恨遲賴存南嶽草可答北山移

後村居士詩卷第二

後村居士詩卷第三

詩南嶽第二藁

九日次方寺丞韻

木落山凋水見涯感時短髮半蒼華人陪桓大將軍宴誰管陶潛處士家砧動  
寒衣貧未剪杯空鄰酒貴難賒病身索漠如黃蝶繞匝離邊未有花

戲鄭閩清灼艾

點穴不須鑿針經手自披既云丹熟後馬用火攻為簡出瘡牽步端居痛上眉  
閉門功行滿應有解飛時

暝色

暝色千邛靜遙峰帶淺霞荷鋤歸別墅乞火到鄰家疎鼓聞更遠昏燈見字斜  
小軒風露冷自起灌蘭花

示寶上人

昔尋老岳到菴西岳死菴空路已迷師舉舊詩余不記茫然恐是夢中題

海口官舍

曉起齋中望千家未啓扉潮能驅海走風欲扶人飛烟寺鐘初定霜林葉半稀  
客身偏畏冷着盡帶來衣

瑞峯寺

寺在高山頂天寒偶一登孤僧營粥飯諸佛闕香燈潮落洲分派林疎塔見層  
危欄宜老眼欲去幾回凭

瑞巖

金碧千間盡惟庵免劫灰佛歸何國去僧自別峯來巨石神鞭至懸崖帝鑿開  
幽情尋未已木杪夕陽催

荅湯升伯因悼紫芝

紫芝曾說子能詩開卷如親玉樹枝古佛寫成翻水偈天仙遺下步虛詞的然  
沈謝何難識逝矣應劉不可追寂寞西湖三尺墓誰携斗酒一澆之

挽林宜人

有中貴人葬紫芝於西湖之上



曾究西方學儒生亦有聞賜金存日施遺珥病時分白首夫同穴青山子結墳  
吾詩非溢美字字攷埋文

送葉知郡

未

家在春風住二年借侯無路意凄然到來不飲官中水歸去難謀負郭田燈遠  
邨民多點塔擔輕津吏易排船壺公亦侶追程送青過囊山古寺前

送人赴廬陵尉

聞說江西路而今不宿師省民來着業少府去吟詩夜月營門鼓春風射圍旗  
雖然溪峒事閒暇要先知

別翁定宿瀑上

偶送詩人共宿山擁爐吹燭聽潺湲已修茗事將安枕因看梅花復啓閨崖色  
無苔通磧底月光如練林林間平生所歷同郵寄獨到菴中不忍還

身在一首

身在樵村釣瀨行秋豪不與市朝爭目云嗜酒相絕急謗到吟詩所犯輕沉水  
一銖銷永晝蠹書數葉伴殘更閉門孤學無窮味笑殺韓公接後生

賜月十日至外祖尚書家

古樹暗朱門空階篆籀痕昔容萬間屋今止數家村泉少池因廢田荒廩尚存  
遺書零落盡身愧史遷孫

命拙

命拙躬耕逢歉歲旋營水菽度晨昏晴天田舍禾昂窖臘日山家酒滿盆護竹  
短牆修復壞澆花小井汲來渾早知不是封侯相蓑笠何因肯出村

憶真州梅園

當年飛蓋此追隨慘淡淮天月上時樹密徑鋪檀共飲花寒常怕笛先吹心憐  
玉雪空存夢塵暗關山阻寄詩縱使京東兵暫過可無一二斫殘枝

歲晚書事十首

荒苔野蔓上籬笆客至多疑不在家病眼看人殊草草隔林迨遞見梅花  
日日鈔書懶出門小窗弄筆到黃昏丫頭婢子忙勻粉不管先生硯水渾  
踏破僮家一徑苔雙魚去換隻雞回幸然不識聲牙字省得閑人載酒來  
書生元不信襪祥老去無端慮事詳白髮社巫云日吉明朝渫井更苦墻  
鬱壘鍾馗尚改更青雲變幻幾公卿人間止有章泉叟撲斷衡山了一生  
細君炊秫婢繰絲綵勝酥花搃不知窗下老儒衣露肘挑燈自揀一年詩  
門冷如水儘不妨由來富貴屬蒼蒼誰能却學癡兒子深夜潛燒茶竈香  
歲晚郊居苦寂寥日高鹽酪去城遙深深榕逕苔墻裏忽有銀釵叫賣樵  
主公晚節治家寬婢慣奴驕號令難圍在屋邊慵種菜井臨砌畔怕澆蘭  
丐客鷄衣立戶前豈知儂自窘殘年染人酒媪逋猶緩且送添丁上學錢



元日

元日家僮催早起，起搔冷髮惜殘眠。未將柏葉簪新歲，且與梅花叙隔年。甥姪拜多身老矣，親朋來少屋蕭然。人生智力難求處，惟有稱觴阿母前。

寄題李尚書秀野堂一首

江上歸來兩鬢絲，倒囊惟剩草堂貲。雲山有態爭呈獻，天海無邊入指麾。怪石遠從商舶至，名花多自別州移。寄聲獨樂先生說，世事而今尚可為。

又真止堂一首

作堂肯以止為名，出處遙知講已精。縱使胸中橫綠野，未應度外置蒼生。波顏公獨能山立，漏盡人方喜夜行。千載英雄須冷笑，孔明回首學淵明。

晚悟

晚悟才為崇，深居學養生。乃知景升子，差勝少游兄。絕澗携瓶汲，空山抱耒耕。兒孫聽苦語，世世勿談兵。

書燈

童子糊新就，籠紗碧色深。喚回年少夢，照見古人心。每對忘甘寢，頻挑伴苦吟。與君交到老，莫慮棄牆陰。

書感

鬚髦馳逐少年場，晚向深山學老莊。名以馬牛猶不校，嘲為狔犬極何妨。性疎

熟客來難記憶，懶生書讀易忘却。笑癡人誤標榜賢愚，千古共茫茫。

山茶

青女行霜下，晚空山茶獨殿衆。花叢不知戶外千林編，且看盆中一本紅。性晚每經寒始拆，色深却愛日微烘。人言此樹尤難養，暮漑晨澆自課僮。

落梅

一片能教一斷腸，可堪平砌更堆牆。飄如遷客來過嶺，墜似騷人去赴湘。亂點莓苔多莫數，偶黏衣袖久猶香。東風謬掌花權柄，却忌孤高不主張。

又一首

昨夜失風幾陣寒，心知尤物久留難。枝疎似被金刀剪，片細疑經玉杵殘。痛叱山童持帚去，苟留野客坐苔看。月中徙倚憑空樹，也勝吳兒賞牡丹。

野性

野性無羈束，人間毀譽輕。客言詩惹謗，妻諫酒傷生。窗納鄰峯碧，歎分遠澗清。近來尤少睡，打坐到鐘聲。

懷保寧聰老

秣陵一見歎魁梧，每恨斯人不業儒。幾度劇談俱抵掌，有時大醉勸留鬚。探梅尚憶陪山屐，煨芋何因共地爐。我已休官師退院，肯來林下卓蒼無。

哭五一弟先輩二首



未冠辭家出麻衣不肯迴瘦因身久客貧為性疎財精力書中去科名病裏來  
空傳場屋義留與鋪家開  
自小即相依天涯影伴飛共燈抄細字分俸贖寒衣已痛身長訣猶疑客未歸  
素幃惟幼女斷續哭聲稀

腰痛

偶得休文病行遲臥不安益綿身尚怯加劑脉猶寒扶出看山易驅教立雪難  
邊頭方募士自愧已衰殘

上冢

落梅萬點曉泥乾擘紙携家去上山寧與先君游地下肯隨謫子乞墻間整墻  
漬雨顏偏易沙土栽松長極艱畢竟有慙廬墓士林扉夜只付僧閑

平床嶺

以下十二首辛巳游山作

一動非容易三年議始成倩人挑旅索買紙劄山程下嶺峯如拜登崖樹若迎  
暫無塵事汨便覺長吟情

溪西

暮止溪西宿喧呼聒四鄰滿却無別姓比屋喜生人解榻動為黍烘衣許覓新  
客房惟有月偏照不眠身

夾漈草堂

嶺絕瀑源窮曾於此築宮得知千載上因住萬山中廢址荒苔盡遺書電取空  
高皇南渡始却議及招弓

棋山院

昔日棋山院今惟認土丘有僧逃債去無主施錢修野叟樵難禁嵩僊奕未休  
何須悲幻境佛比作浮漚

西林寺

將謂如廬阜因迂數里行問俱無古迹來等慕虛名借榻眠難熟逢碑眼暫明  
殘僧逃似鼠難結社中盟

興化縣

繞縣百千峰初疑路不通居民猶太古令尹似春風箏遠呼難至杯寒吸易空  
却從歸路望飛榭半天中

麥斜

諺比武夷君來游稱所聞嵩開花似染洞出氣如雲屋老殘詩在崖枯小冢焚  
只疑龕室內猶有艾軒文

鯉湖

凡是龍居處皆難敵此泉下窮源至海上有穴通天小派猶成瀑低峯亦起煙  
莫疑乘鯉事能住即能仙



蔡溪巖 陳聘君隱處

愛瀑戀苔磯難招出翠微死因巖作墓生以石為扉已歎逃名是猶嫌學佛非  
後來無此士不但鶴書稀

九座山

化盡開山物惟存宰堵坡俗傳潭出雨僧說火因魔舊給唐綾暗新鐫蔡字訛  
巖前觀蟒石尤覺可疑多

香山寺

佛廢何閑儒者事要知開瓶亦辛勤居人公折純樞柱巨室深藏舊記文鐘已  
毀樓移出寺石猶鐫字徒為墳吾詩句句通陰隲安得檀那子細聞

仙游縣

不見層岡與複崑眼中夷曠似江南煙收綠野連青嶂樹闕朱橋映碧潭丞相  
無家曾住寺聘君有字尚留庵荒山數畝如堪買徑欲誅前老一龕

觀溪西子弟降仙

似有物憑箕傍觀競卜疑曾從師授易肯問鬼求詩崑穴雖高枕乾坤尚奕碁  
老儒心下事未必紫姑知

自昔

自昔英豪忌苟同此身易盡學難窮習為聯絕真唐體講到玄虛有晉風螳子

盡云參妙喜乞兒自許識荆公安知世上無顏閔到死浮沉里卷中

耕仕一首

耕不逢年仕背時蕭然井臼掩茅茨貧求生墓為謀早病學還丹見事遲馬上  
功名成盡餅林間身世似持棊未應對客呈飢面尚有荒園可種葵

真母吳氏挽詞二首

系出自華宗來嬪隱約中貧能安苦節貴愈積陰功立志如歐母生似富公  
如聞新窆處神告在溪東

族昔多名塚今觀子更奇他年槐樹識早歲柏舟詩割股延姑壽抽簪活衆飢  
事皆堪入史何必墓傍碑

蘭

深林不語抱幽貞賴有微風遞遠馨開處何妨依薜砌折來未肯戀金鉗孤高  
可挹供詩卷素淡堪移入卧屏莫笑門無佳子弟數枝濯濯映塔庭

感昔二首

談攻說守漫多端誰把先朝事細看棄夏西陲忘險要失燕北面受風寒傍無  
公議扶种李中有流言沮范韓寄語深衣揮塵者身經目擊始知難

先皇立國用文儒奇士多為禮法拘澶水歸來邊奏少熙河捷外戰功無生前  
上亦知強至死後人方誅尹洙螻蟻小臣孤憤意夜窗和淚看輿圖



山丹

偶然避雨過民舍一本山丹恰盛開種久樹身樛佢蓋澆頰花面大如杯怪疑  
朱草非時出驚問紅雲甚處來可惜書生無事力千金移入画欄栽

燕二首

曾客烏衣看落花春風吹影傍天涯茅簷亦有安巢地何必王家與謝家  
野老柴門日日開且無欄檻礙飛迴勸君莫入珠簾去羯鼓如雷打出來  
過永福精舍有懷仲白二首

永福招提小步廊憶携詩卷共追涼年來行處常迂路纔近君家即斷腸  
一樹梅花掩舊居主人仙去客來踈白頭留得吟詩友每見即君勉讀書  
詠史二首

虜入中原力不支洛陽名勝浪相推可憐揮麈人如壁半夜排牆尚未知  
保惜金甌未必非臺城至竟亦灰飛隱戾老任梁朝事却為閑情減帶圍

韓曾一首

道散斯文體尚浮韓曾力與化工侔山瞻秦華巖巖聳河出崑崙混混流長慶  
從官銷不得熙寧丞相挽難留滄州奏疏潮州表猶被人拈作話頭

春早四首

一春閔雨動龍顏曉殿權停賀雪班林下散人看邸報也踈把酒廢游山

去冬玉塞靜無埃春雪雖遲亦壓灾大士送歸天竺去相公先入浙江來  
屋山無筍圃無蔬釜冷尊空客至疏說與厨人稀作粥老夫留腹要盛書  
清明未雨下秧難小麥低低侶剪殘窮巷蕭然惟飲水家僮忽報井源乾

黃天谷贈詩次韻二首

浪跡徧齊州曾從劍俠游尚嫌秦政臭肯要印支頭客禮朝三殿兒嬉弄五侯  
吾猶看不破何況道家流  
世無仙則已有必屬斯人丹熟將分友雲游每念親小窗時讀易靜室夜修真  
符篆皆餘事題詩亦出塵

得曾景建書一首

聞君別後買傾城酒戒中年亦放行遠使忽來知病起近書全未說丹成莫嫌  
身去依劉表曾有人甘殺禰衡何日斷原荒澗畔一間茅屋對寒檠

示兒

衣芋村邊一畝宮閉門不復問窮通生羞奏技伶人裏死怕標名狎客中講學  
有誰明太極吟詩無路和薰風身今老矣空追悔但祝吾兒勿佞翁

櫚陽塘

塘水年時似練湖春來亦已化平蕪農官久廢存遺址樵子公行作坦途葦折  
鷺藏身不得萍乾魚以沫相濡枯槁伊軋聲如泣借問龍公睡穩無



春日二首

睡起無人小院空  
南華一卷磬聲中  
鼻端老去齊香臭  
分別柑花是晚風  
隙地新鋤一徑通  
野中手自植芳叢  
生來不慣游金谷  
屋角花開也自紅

憶毛易甫薛子舒

昔在江東會集時  
二君獨許話心期  
春風蕭寺同登塔  
落日荒臺共讀碑  
百吏染毫供草檄  
萬花園席省題詩  
那知數尺無情土  
別後雙埋玉樹枝

有感

殘羯如蜂暫寄窠  
十年南北問干戈  
穹廬昔少曾居汴  
幕府今猶未過河  
越石不生誰可將  
奉春再出亦難和  
憂時元是詩人職  
莫怪吟中感槩多

哭趙紫芝

奪到斯人處  
詞林亦可悲  
世間空有字  
天下便無詩  
盡出香分妓  
惟留硯付兒  
傷心湖上冢  
誰葬復誰碑

哭周晋仙

君在詩人裏  
功夫用最深  
古如神禹鑄  
清似鬼仙吟  
死定無高冢  
生唯有破齋  
長安酒樓上  
猶記昔相尋

中嶧先塋

昔遇重華席  
屢前因排貴  
近去翩然叩  
埽袖有馳毬  
疏易簣囊無  
沐柳錢當日

傳家惟諫草  
至今瞻族賴  
祠田原頭宰  
木蒼如此終  
見山菴葺數椽

被酒

酒戶當年頗著聲  
可堪病起困飛觥  
醉呼諸令為僮父  
狂喚桓公作老兵  
舊有崢嶸皆剷去  
新無壘隄可洗平  
投床懶取騷經看  
只嗅梨花解宿醒

小園即事二首

何處瑤姬款戶來  
薔薇花下暫徘徊  
分明粉蝶通消息  
未有人知一朶開  
因聽簫聲一念差  
碧雲遮斷阿環家  
春來無遣閑愁處  
玉面紗巾出看花

夢豐宅之二首

一別茫茫隔九京  
夢中慷慨語如生  
老猶奮筆排和議  
病尚登陴募練兵  
天奪偉人關氣數  
時無好漢共功名  
殘胡仍在王師老  
寶劍雖埋憤未平

斯人古少况於今  
每恨諸賢識未深  
朝給賻錢方掩骨  
家無餘帛可為衾  
向來夫子真知己  
近世門生喜負心  
惟有天涯華髮掾  
獨揮哀涕望山陰

漢儒二首

執戟浮沉亦未迂  
無端著頌美新都  
白頭所得能多少  
枉被人書莽大夫  
賣賦長安偶遇知  
後車歸載遠山眉  
可憐犬子真窮相  
不見劉郎過沛時

暮春

燕子來時春事空  
杖藜來往綠陰中  
靜憐朱槿無根蒂  
開落惟銷一陣風



哭吳杞

七十未陞舍目深雙鬢殘病中依佛寺死處近嚴灘俗薄揮金少家貧返骨難  
遺言令火葬聞者鼻皆酸

橘花

一種靈根有異芬初開猶勝結丹黃白於蒼菊林中見清似旃檀國裏聞淡月  
珠胎明璫粲微風玉屑撼繽紛平生荀令薰衣癖露坐花間至夜分

薔薇花

泥露含風匝樹開呼童淨埽架邊苔相紅染就高張起蜀錦機成乍剪來公子  
但貪桃夾道貴人自愛藥翻塔寧知野老茅茨下亦有繁英送一盃

荅鄭閩清

多着襦裙少裹巾形容蒼槁意清真舊時論語多忘記難做深衣社裏人

前輩

前輩日以遠斯文吁可悲古人皆尚友近世例無師晚節初寮集中年務觀詩  
雖云南渡體俗子未容窺

鐵塔寺

鐵塔荒涼院年深失主名昔游基已廢今至屋皆成人出私錢施僧憑願力營  
如何榆塞上却有未包城

東方寺丞病足

西方名山未徧經詎宜倚杖立於辨脉通氣數醫難曉病在皮膚藥易靈昔走  
戰場常縱靶今居內屋更施屏平生受用稽康論欲獻公為座右銘

後村居士詩卷第三

後村居士詩卷第四

詩南嶽第三藁

贈徐相師

許負遺書果是非子憑何處說精微使君豈必如柳大丞相元來要飯肥袖潤  
日常籠短刺肩寒春未換單衣半頭布袋挑詩卷也道游方賣術歸

送孫夢宮

大帝開江左無錐與遠孫自言埋戰地也勝活戾門短褐邊風緊孤舟海浪翻  
知他三尺劍携去報誰恩

寄何立可提刑

故人握節守齊安聞說邊頭事愈難赤手募丁修險隘白頭擐甲禦風寒半腰



城南包圍畢一把兵皆點摘殘收得去年書在架憶君燈下展來看

和曾史君喜雨

雄烏忽變作雌霓太守為壇水畔祠多謝龍公來挹彼寄聲風伯莫吹之麥殘  
黑穟差傷晚秧出青歲未過期想見鈴齋聞點滴銀鈎滿紙又成詩

送饒司理端學

一郡夸饒掾才名果不虛忽聞歸去勇極恨往還踈囚戴公平德奴擔性理書  
京華逢友舊為說閉門居

贈防江卒六首

陌上行人甲在身營中少婦淚痕新邊城柳色連天碧何必家山始有春  
壯士如駒出渥洼死眠牖下等蟲沙老儒細為兒郎說名將皆因戰起家  
昨者却徐表奏通聖朝除吏徧山東新來調卒防秋浦又與山東報不同  
身屬嫖姚性命輕君看一蟻尚貪生無因喚取談兵者來向橋邊聽哭聲  
戰地春來血尚流殘烽缺堠滿淮頭明時頗牧居深禁若見閔山也自愁  
一炬曹瞞僅脫身謝郎棋畔走符秦年年拈起防江字地下諸賢會笑人

哭黃直卿寺丞二首

久在文公几杖旁暮年所得最精詳貧甘香火辭符竹病整衣冠坐簣床壯士  
軍中悲亮死先師地下惜回亡法雲破寺三間屋却有門人遠赴喪

當年出塞共臨戎箭滿行營戍火紅督府凱旋先請去堅城築就獨無功身謀  
彼此皆迂濶國事中間偶異同莫怪些詞含哽噎在時曾賞小詩工

不寐

萬戶千門盡擁衾據梧展轉看橫參不知身已成衰證枉被人疑是苦吟周漢  
前書盲記憶乾坤何事彊思尋華山老子差堪語安得呼來論此心

寄夢漕王中甫

舊歲書猶至漢陽新來夢已隔瞿塘西人久苦供軍費南士專營出峽裝塵暗  
三邊途尚梗身游萬里鬢應蒼蜀山聞說多仙者試為余求辟穀方

送章通判

半刺已官尊常時讀魯論身居恭叔里心在晦翁門貧士來遮路詩人送出村  
君能齊得喪何必戀華軒

早蓮

晴久方池可跣行萍枯惟有草縱橫朱葩未見叢叢折綠柄終看寸寸生悴若  
放臣臨楚澤厄於學士蹈秦坑輸他杭越花如錦画舫名姝夜按笙

辭桂帥辟書作

一昨聞公莫府開夢魂頻繞嶺頭梅久拋鞞袴辭軍去忽有弓旌扣戶來茅舍  
相過爭借問荷衣欲出却徘徊舊時檄筆今焚棄孤負黃金百尺臺



聞何立可李茂欽計二首

初聞邊報暗吞聲想見登譙與虜爭世俗今猶疑許遠君王元未識真卿傷心百口同臨穴極目孤城絕抹兵多少虎臣提將印誰知戰死是書生

何老長身李白鬚傳聞死尚握州符戰場便合營雙廟太學今方出二儒史館何人徵逸事羽林無日訪遺孤病夫疇昔曾同幕西望閔山涕自濡二君皆舊同官

夏旱

滿望梅天雨誰知日轉驕畦蔬新住摘盆樹久停澆米貴糧困盡泉乾汲路遙未遑夏世事灾已到顏歎

憶藕

昔過臨平召伯時小舟就買藕尤奇如拈玉塵涼雙手似瀉金莖燕上池好事染紅無意緒癡人蒸熟減風姿炎州地狹陂塘少渴死相如欠藥醫

夜飲方湖

貪聽月下小叢歌擲去金蕉吸碧荷四面涼如浮震澤五更渴欲挽斜河古稱賢達誰存者今不懽娛奈老何長笑峴山空感慨羊公湛輩兩消磨

哀江帥張常二首

閔破壘猶堅傷心援不前生居諸將下死在衆人先憤極拳雙握創多體少全豈無人策應擁纛坐江邊

昔我居戎幕為戾論戰勳齋旄俄烜赫書札尚殷勤國難忠方見天高事未聞

九江殘部曲暗哭故將軍

瀑上值雨

絕頂嵐煙合危亭略見簷不知山雨過但覺瀑流添悲壯張璠瑟迷濛展画練野人雙草履來往往泥露

懶

病入中年百事闌頽然一榻倦衣冠客方接話俄辭起書未終編已輟看架壞儘教花卧蘚砌荒亦任草侵蘭力求香火非無意疎散明知涉事難

送沈憫考亭門人

建學多通顯何為尚布衣不聞行聘久始悟設科非落日君尋店深山我掩扉幾時殘燭下重聽講精微

紫薇花

風標雅合對詞臣映硯窺窗伴演綸忽發一枝深谷裏似知茅屋有詩人

書第二考

遙領叢祠又一年何功月請水衡錢江南塞北雖無分林下山間尚有緣兵去未妨行酒令印收不礙掌詩權祗嫌海嶠登臨少夢繞朱陵紫蓋邊

送鄭君瑞知閩清



茲邑猶淳古君行作長官假令三尺密終有一分寬粟里歸差易桐鄉愛極難  
千峰青繞郭暇日想凭欄

猫捕燕

文采如彪膽智非画堂巧伺燕雛微梁空賓客未俱訝巢破雌雄俱不歸鶯閉  
深籠防鷲性蝶飛高樹遠危機主人寘在花塋上飽卧徐行自養威

次方寺丞方湖韻

晚來吉語到茅椽太華詩翁約泛蓮况有鄒枚同預燕可能李郭獨如仙帝猶  
給我還山俸天不需人買月錢揮手闢門冠蓋客急歸勿攪甕間眠

鄰家孔雀

初來毛羽錦青葱今與家雞飲啄同童子有時偷剪翅主人當日少開籠嶠南  
歲月幽囚裏隴右山川夢寐中因笑世間真贗錯繡身翻得上屏風

荅傅監倉

少豪頗似括談兵老去方慙理未明窗下殘書千遍讀卷中一字幾回更撚髭  
人盡嗤吾拙軟血誰當豫此盟肯啖菜根抄脫粟許君十載共經營

蟾蜍硯滴

鑄出爬沙狀兒童競撫摩背如千歲者腹奈一輪何器較餅罌小功于几硯多  
所盛涓滴水後世賴餘波

讀崇寧後長編二首

自入崇寧政已荒由來治忽繫毫芒初為御筆行中旨漸取兵權付左璫玉帶  
鮮來放貴倖珠袍脫下賜降羗諸公日侍鈞天燕不道流人死瘴鄉  
陳迹分明斷簡中總看卷首可占終兵來尚恐妨茶謝事去徒知悔夾攻丞相  
自言芝產第太師頻奏鶴翔空如何直到宣和季始憶元城與了翁

午憩

恩賦支離粟一囊午憩卧首世人忙東家學究窮於我六月褒衣上講堂

書感

仲尼已沒世無師新學專門各自私死守不為它說勝秘藏似恐外人窺欲招  
程子看通典兼起歐公講繫辭浩歎邇來耆舊盡緒言分付與羣兒

荅客

誰謂貧難忍三年閉户居老兵能合藥小僕會抄書白髮羞彈鋏青山去荷鋤  
既於吟得趣功業合乘除

叩杖

珍重叩山雀膝枝十年南北慣持扶登石壁寧嫌峻柱過溪橋肯避危昔涉畏  
途塵不去今行平地棄如遺主人尚要防衰老會有重拈入手時

寄泉僧真濟



師邃於鑿者聞諸諫議然若非禪性悟必有脉書傳藥貴逢人施方靈尅日痊  
西風餅錫冷儻肯訪沉綿

羊毫筆

接到髯生族多因兔穎稀只宜茅舍用難向玉堂揮弄翰虛名似吹毛質本非  
兒曹貪價賤鷓鴣掃如飛

空村

棄置在空村浮名豈復論因思戎服窄方悟緼袍尊城遠雞司曉家貧犬守閭  
常怜劉越石辛苦戍并門

題齋壁

浩如煙海積如山紙上陳人叫不還白首書生無事業一生精力費臆間

題繫年錄

炎紹諸賢慮未精今追遺恨尚難平區區王謝營南渡草草江徐議北征往日  
中丞甘結好暮年都督始知兵可憐白髮宗留守力請鑾輿幸舊京

晚出

晚出別村幹夜深徒步歸飯猶懸早稼衣尚在鄰機閑塞秋防急田園歲入微  
喟然投耒歎事事與心違

伏日

屋山竹樹帶疎蟬淨掃風軒散髮眠老子平生無長物陶詩一卷枕屏邊

自警

筆枯硯燥自傷悲文體全閑氣盛衰倚馬縱難揮萬字騎驢尚足課千詩奉盤  
誰可推盟主撼樹人方謗老師疑有更深於此者入山十載試精思

詠鄰人蘭花

兩盆去歲共移來一置雕闌一委苔我拙事持令葉瘦君能調護遣花開隸人  
挑虛巡千匝稚子澆泉走幾迴亦欲效顰耘小圃地荒終恐費栽培

夏夜

熱極不可度起行林影中開窗需過月移簟就來風豪鼠喧深夜高蟬響半空  
永言時物變露已濕莎叢

書田舍所見

漠漠晴埃起遠疇占相雲日幾家愁細民方慮填中壑巨室何心堰上流斬木  
由來基小累澆瓜誰為解私仇寧知送老茅簷下猶抱書生畎畝憂

郊垌

所住在郊垌田園事徧經淺溝晴後塞高壠雨餘青屋潤鄰翁富祠新社鬼靈  
南州無酒禁十戶九旗亭

客過



客過柴門歎寂寥  
旋挑野菜拾風樵  
無錢輟贈開衣笈  
有病來求探藥飄  
偶憩荒郊思種樹  
每逢新澗欲營橋  
書生一念終迂濶  
猶閱蒼黔與肖翹

孟浩然騎驢圖

壞墨殘鱗閱幾春  
灞橋風味尚如真  
摩挲只可誇同社  
裝飾應難奉貴人  
舊向集中窺一面  
今於畫裏識前身  
世間老手惟工部  
曾伏先生句句新

有興

有興駕柴車  
無心起草廬  
淺傾家釀酒  
細讀手抄書  
門巷慵芸草  
園籬課種蔬  
雖非黃叔度  
未易得親踈

聞笛二首

少年毬馬逐秋風  
笛起連營響裂空  
今夕夢回村墅冷  
一枝孤奏月明中  
初如廢將哭窮邊  
又似孤臣訴左遷  
何必謝公雙淚落  
野人聽罷亦凄然

健忘一首

昏昏健忘廢轉精  
默坐空齋忽自驚  
少作回看如兩手  
舊書重讀似前生  
却疑安世知三篋  
不曉睢陽記一城  
莫怪詩成呼燭寫  
曉窗追憶欠分明

宿庄家二首

初秋風露變偶出  
憇莊家原稼無全穗  
陂荷有晚花  
踈鐘踰澗響  
微月轉林斜  
鄰媪頭如雪  
燈前自績麻

茅茨迷詰曲  
度谷復踰陂  
世上事如許  
山中人不知  
牛羊晴卧野  
鷺鷥晚歸池  
粗識為農意  
秋輸每及時

妄想

妄想如冰已盡消  
朱顏日向鏡中凋  
玉闕萬里曾投筆  
草市三家却負樵  
弱水古來無路到  
小山歲晚有人招  
吾廬寂寂何須笑  
君看閑僧住退寮

白杜迂客一首

貧食官倉不自由  
強扶衰病坐荒郵  
送迎不是祠官事  
偶見青山急下頭

七月九日二首

海激天翻電噏蒼  
松十丈劈為薪  
須臾龍卷它山去  
誤殺田頭望雨人  
樵子俄從間路迴  
因言溪谷響如雷  
分明雨怕城中去  
只隔前峰不過來

夢賞心亭

夢與諸賢會  
賞心恍然佳  
日共登臨酒邊  
多說烏衣事  
曲裏猶殘玉樹音  
江水淮山明歷歷  
孫陵晉廟冷沉沉  
曉鐘呼覺俱忘却  
獨記千門柳色深

郊行

一雨餞殘熟  
忻然思杖藜  
野田沙鶴立  
古木廟鴉啼  
僕行迷路逢樵負  
過溪獨游吾有趣  
何必問栖栖

懷友



老鶴孤飛久失羣天涯懷友寸心勤  
狂生似臆寧堪近佳士如香故可熏  
無復拏舟乘大雪有時倚杖送停雲  
秋來暹草深三尺誰伴青燈緝舊聞

牢落

牢落吾何恨先賢未免窮  
寧為田舍子不作國師公  
螢影穿窗隙蛩聲出壁中  
殘書殊有味讀到角吹終

跋方雲臺文藁二十韻

文人何瑣碎夫子獨雄尊  
擊水移南海追風出大宛  
黑潭龍怒起碧宇鶻孤鶩  
翕忽波濤湧須臾電奔峰  
山突兀墨濡雨傾翻軒豁  
青天露淒迷白晝昏至  
微該草樹極大括乾坤  
金鼓條侯壁旌旗渭上屯  
聚如羣玉圍散似建章門  
覽岱親臨頂窮河直至源  
檄書傳絕漢詩句落中原  
猛虎堪鬚捋修鯨可氣吞  
寂寥時數語浩蕩或千言  
神與經營力誰窺釜鑿痕  
流行通象柱模刻徧湘沅  
欲揀皆逢寶將芟不見繁  
居然開突與詎肯闢籬藩  
坎井長天大溪流笑海渾  
不妨兒輩撼姑付後人  
論拙詠雖卑弱因公儻並存

雲

農家望汝下年豐似絮如峯  
陔不同縱有濃陰工閣雨  
畧無定態喜隨風往來  
與月為仇敵舒卷和天盡  
蔽蒙安得疎身騰并漫  
叫開闔闔掃長空

梭冠

羽士過門賣新翻樣愈奇  
堅如龜屋製精似鹿胎  
為印杖扶相稱唐衣戴最宜  
笑他蟬冕客夏畏白鬚眉

方寺丞招宿瀑上不果

久與瀑泉踈勞公下檄書  
極知居陋巷不以宿精廬  
奴客辭看犢鄰人畏借驢  
何時兒子壯聊為舉籃輿

詩境樓觀月

人世應無第二樓暮雲飛不到  
簾鉤未開寶鑑青冥裏  
先湧冰輪碧海頭白似  
雪濤翻赤壁壯如夜日出羅浮  
酒醒何處吹橫玉徑欲乘風  
萬里游

野望

稍有西風起孤筇扶自隨  
名山多着寺古木必為祠  
烏過杖林急樵婦度嶂遲  
相尋惟有月搔首待移時

西涼山觀雨

與客同登萬仞崖蔽天風雨  
驀然來六丁白晝誅炎魁  
百怪蒼淵起蟄雷毒蟒  
噴時林盡黑怒龍裂處石  
中開吾生不及觀河決得  
賦斯游亦壯哉

宿山中十首

城中人怪我清旦買芒鞋  
君若知其趣還應日日來  
玉轡上沙堤金鞍成磧西  
何如寒澗底落日蹇驢嘶



就泉為碓屋紫石作書龕有意耕汾曲無心起水南  
市脯店猶遠刈芻久未歸夜深語童子且掩半邊扉  
路危防陟遠溪黑阻窮深涼月如高士頻招未出林  
崑僧殊好事絕頂廟龍君勿笑一泓水能生六合雲  
崖居供給少不用犬防籬只恐偷兒點來窺壁上詩  
山中無價寶月色與泉聲莫向貴人說將為有力爭  
玉筋篆文古銀鈎楷法精得知千載下時有打碑聲  
淒風轉林杪露坐感衣單不道山中冷翻憂世上寒

七月二十日自瀑上先歸方寺丞造詩夸雷雨之壯次韻一首

城裏遙看雨出時想公筆墨發雄奇山深龍虎飛騰變海運鯤鵬瞬息移凜凜  
前鋒如赴敵堂堂迴勢似歸師驅還始悟山靈意怕向蒼崖寫惡詩

秋望二首

暮色蒼然上野臺廢塘尚有數荷開望中愛殺城南柳只怕霜風一夜來  
舍南舍北種芙蓉及到秋來次第紅自是詩人才思窘清風明月有何窮

村校書

短衣穿結半瓢空所住茅簷僅蔽風久誦經書皆默記試挑史傳亦旁通青燈  
窗下研孤學白首山中聚小童却羨安昌師弟子只談論語至三公

聖賢

聖賢自牧極卑謙後學才高膽力兼悔賦不妨排賈誼謗詩遂至劾陶潛事見政和  
章疏取人最忌規模狹絕物常因議論嚴君看國風三百首小夫賤隸抹何嫌

懷李敬子

此士今徐孺柴扉肯安開空聞羔雁去不見鳳麟來廬阜尋僧出東湖赴講迴  
何由操杖屨林下再相陪

華嚴知客寮

簷外蒼榕六月秋小年來此愛深幽壞墻螢出如漁火古壁蜂穿似射侯涉世  
昏昏忘舊話入山歷歷記前游故人埋玉僧歸塔獨聽疎鐘起暮愁第四句白

所作今  
補足之

聞黃德常除德安倅

幕下相逢若弟兄當年曾悔談兵足行江北生重斲髮為山東白髮莖病擁  
琴書專一壑老携檄筆孤城暮雲不見關山路空有天涯故舊情

閑居即事

性偶安林藪元非慕獨清米從仁祖乞粟是伯夷耕廢井通鄰汲深墻隔市聲  
却因虛澹極亦自覺身輕

自勉

後村集卷四

三

購



海濱荒淺勿無師前哲藩籬尚未窺玄詠易流西晉學苦吟不脫晚唐詩遠僧  
庵就勤求記亡友墳成索索碑天若假余金石壽所為詎肯止於斯

少日

少日閩河要指呼晚歸田里似囚拘氣衰不敢高聲語腕弱終能小楷書座有  
老兵持共飲路逢醉尉避前驅子元兄弟何為者自是稽康處世疎

貧病

默默守柴荆人間事頗更病方知養性貧始欲謀生尚有狂奴態元無老婢聲  
邇來塵慮盡勿怪小詩清

示同志一首

滿身秋月滿襟風敢歎栖遲一壺中除目解令丹竈壞詔書能使草堂空豈無  
高士招難出曾有先賢隱不終說與同袍二三子下山未可太匆匆

### 後村居士詩卷第四

#### 後村居士詩卷第五

詩南嶽舊藁

和方孚若瀑上種梅五首

仙翁小試春風手高拂茅簷矮映窗選勝多依巖罅種愛奇或併樹身扛海山  
大士寒蒙袖月殿仙姝夜擁幢商畧此花宜茗飲不消銀燭絲纏缸  
天賜梅花為受用繽紛玉雪被層砵素芳林下趨羣品繁葉枝頭巧疊雙隴月  
照時霜剪澗風吹處水淙淙主人筆力迴元化催發何須杖鼓腔  
瀑映梅花何所似蚌胎蟾彩浴寒江夢回東閣頻牽興吟到西湖始豎降雪屋  
戀香開紙帳月窗隣影掩書缸若將漢晉間人比不是淵明即老龐  
百匝千回看不足管他急雪濺奔瀧瑤林錯立明梁苑寶璐橫陳照楚邦愛殺  
嚼芳仍嗅藥吟狂哆口更踈屨曉來翠羽驚飛去應為煙鐘樹杪撞  
欲賦梅花材藻盡公分生意到枯樁鉅題昔只韓聯孟妙手今惟弄愈逢守教  
尚煩省杏虎護花難少吠離厖井崖翠壁宜揮掃止有游人筆似杠

再和五首

先生多在中宿為愛橫斜影上窗茁髮僧從深澗徙頰肩奴過別峰扛和羹  
宰相調金鼎止渴將軍擁碧幢空谷不知如許事枯來春酒且開缸  
厭看花開平地上故攀絕磴履危砵節方靜女尤專一韻比高人更少雙堪伴  
愚公居北谷宜階漫叟隱南淙素標尚恐詩輕蝶敢犯人間曲子腔  
手選千株高下種似行庾嶺泛湘江只銷一朶南枝坼盡受羣花北面降自愛



空山吹縞袂絕羞華屋照銀缸主林神禁人殘毀深夜應無斫樹龍  
絕顛歲晚無人到但見山風激嶺瀧高鶻恍如珠照乘深葩還似寶迷和巢居  
公未甘枯槁鼎寶朝方起碩死詩在簡齋和靖裏追攀真以寸筵撞  
杖履暇時常檢點紅分枝榦數株椿試呼童子調霜弄絕勝奴兵插曉逢色映  
巖松寒引雀根連園杞夜聞瓦社中作者銘鋒穎甘監降幡束短杠

賦西涼瀑布得斷字

蒼山七百畝主人新買斷於時積霧開素瀑掛青漢泠泠瑟初鏗璫璫珠乍貫  
久晴雨歇翻忽暖冰柱泮恍如白浪湧翔舞下鳧雁又疑黃河決滎祭沉玉瓊  
不然蟒出穴或是虹吸澗客言下有潭龍伏不可玩攫拏起雲氣噴薄蘊歲早  
平生愛奇心欲此築飛觀沿流踏淺清陟巘騰汗漫低頭拜主人分此華山半

送陳寺丞守南劍

詔免延英對輕裘見吏民極知忙抹早豈是急頒春邑為搜空壤州因獻羨貧  
此行休戚係未敢賀朱輪

送丁元暉知南海

不用急符催先行要看梅歲時親祭海休沐必登臺鮑井聊供飲韓碑待拭苔  
遙知蠻俗喜令尹帶琴來

醫

脉差死活懸三指炎誤風孿廢四支寧餌生金飡野葛有身不可試庸醫

哭囊山覺初長老

豈謂茶毘速龕前一滄情空留尊宿貌難問小師名骨已迎歸塔衣多唱入城  
百年如此過何異不曾生

又

雪峰寺裏曾相識面皺額高五十餘削髮入山秦最久白頭出世瘦如初覺心  
不共真身壞遺偈猶能戰手書何必塔銘并語錄吾詩自可表幽墟

題鍾賢良詠歸堂

水心為賦詩

細繹華堂扁微君志可知策弘無聖詔與點有明師忽枉賢良刺頻需拙惡詩  
續貂吾豈敢淚落水心碑

挽李端

要識君操履全如字畫真病能妨獻賦窮不廢修身月旦推先輩春官失此人  
如聞埋玉速里巷共酸辛

黃檗寺

猶記垂髫到此山重游客鬢已彫殘寺經水後增輪奐僧比年時減鉢單絕壁  
雲興潭影黑疎林霜下葉聲乾平生酷嗜朱翁字細看荒碑倚石欄

和西外趙知宗



斤妙斷如神源深汲愈新  
宗疑有趾海若忽無津  
傳遠須公等鑽堅盡此身  
平生師友意非為雨中巾

悼秦鑿

最曉陰陽證於身獨不靈  
有妻持舊肆無子學遺經  
蟲蝕抄方篋莎生曬藥庭  
城中醫絕少堪惜爾彫零

十月二十二夜同方寺丞宿瀑庵讀劉賓客集

瀑山木落霜寒夜共讀  
吾家夢得詩坐對遺篇忘漏盡  
手遮殘燭怕風吹  
森巖似聽元戎令機警如看國手棋  
千載愚溪相對壘未應地下友微之

久旱即事

場烏下飲百川空  
民自祠龍禱社公  
豈是長官渾忘却水車聲不到城中  
輸租常占一村先  
不望明時舉力田  
老畏里骨如畏虎  
敗人詩思攪人眠

送楊休文

初驚字與隱侯同  
徐讀文編始歎工  
似倩麻姑抓背癢  
能令孟德愈頭風  
玄機固已超三昧  
副本何因寫一通  
消得劉君詩送路西歸  
未可歎囊空

哭陳鑰主簿

不但心孤介  
生形已怪奇  
在為官長罵  
沒使邑人思  
魂遠鄉猶隔  
名微世未知  
空存朋友誼  
到此力何施

傳諫議和予所贈傳監倉詩復用前韻

諫草如山不論兵  
當年出處最分明  
中朝安可無耆舊  
故事猶應問老更  
敢與鳳毛評  
句法素知牛耳執  
文盟詩壇亦合先生築  
遙望偏師已拔營

宿別瀑上二首

十里荒荆手共開  
屐痕歷歷在青苔  
山中援鳥愁予去  
爭問先生幾日回  
兩日相踈鄙吝生  
今當遠別若為情  
夜窗看到千峰黑  
枕上猶貪落澗聲

初宿囊山和方雲臺韻

客游萬里踐霜冰  
旦旦披衣坐待明  
累忝功名成未易  
跳丸歲月去堪驚  
即今紙被携尋宿  
當日油幢聽報更  
賴有雲臺公好事  
追程來送老門生

白鹿寺

歲晚霜林落葉稠  
携家來作鹿門游  
偈言恍似前生說  
藁猶煩侍者收  
身上征衫拋未得  
山中靈藥採無由  
十年不獨行人老  
入定高僧白盡頭

荅婦兄林公遇四首

霜下石橋滑  
蛩吟茅店清  
夢迴殘月在  
錯認是天明  
恨余行李速  
愧子酒杯長  
日暮于誰屋  
天寒陟彼岡  
自笑如窮鬼  
相從不記年  
每煩詩餞送  
不止辦車船  
挹君如玉雪  
未易得親踈  
何日深山裏  
同燈共讀書



發枕峯

蒼顏奉辟書嚴裝犯蕭辰豈不謀出處歲儉水菽貧曠黑投山中明發趨江濱  
漁父隱者歟葉舟方垂緡相逢飄然逝似笑來往頰白鷗我同盟青山吾故人  
即之欲與言邀若不可親昔迎歸軒喜今見行橐嘆素願悵未諧抱慙終此身  
先賢遠志喻千載猶如新

嵩溪驛

舟子初辭去風吹薄酒醒一莖新鬢白數點晚山青潦倒彈長鈇荒涼宿短亭  
鄰雞空喔喔不似昔年聽

環翠閣

閣上有宣和二陸詩

大陸題詩小陸和寶鞍畫戟傳呼過兩片頑石未百年已有牧兒來打破

崇化麻沙道中

經行愛此人煙好面俯清溪背負山半艇何妨呼渡去小橋不礙負薪還遠聞  
清磬來林杪忽有朱欄出竹間深處安知無隱者卜鄰容我設柴關

過劉尚書墓

建人蔡印武

士林方卜道窮通一旦騎鯨萬事空惟下有人師董相墓傍無客哭喬公白頭  
稍得談經力青簡尤高絕幣功尚記長衣橫塵柄今看華表立西風

謝墳

一月山行未有梅曉來感着小詩催謝家墳寺更衣處初見墻西半樹開

大乾記夢

辛酉年夢予方十三

昔夢游湘水琴書寄葉舟安知三十載真作夢中游

館頭

雨雪瀟瀟驛堠長不堪流潦入車箱撫州城外黃泥路即是人間小太行

發臨川

始予卅角來家君縮銅墨縣齋多休暇縣圃足戲劇雖云嗜梨栗亦頗窺簡冊  
弟妹俱孩幼親髮方如漆後予捧檄至軒蓋候廣陌於時志氣銳門戶况烜赫  
郡花照席紅湖柳拂鞍碧耆老互問訊酒餼紛狼籍今予挑包過城郭宛如昔  
高年凋落盡滿眼少朋識管子仕瘴烟屈叟掩泉窆華門訪舊師目闇面黧黑  
買醪與之酌往事話歷歷既生異縣感復起故鄉憶吾翁墓草深高堂已斑白  
貧居猶髓空遠游温清隔二季官海濱女子各有適曾不如阿奴碌碌在母側  
回思盛壯時去矣難復得因成臨川吟吟罷淚橫臆

曾景建自臨川送予至豐城示詩為別次韻

追程送我劍池邊疊疊清談晉宋前豈意白頭趁幕日迺逢紫氣出關年夜深  
續炬俱忘寢地冷吹薪久未然臨別祝君加帽絮高峯雪後尚童顛

自撫至袁連日雨霰風雪



窮臘天地閉雲氣匝野垂何況表撫間積潦盈路歧寸步一堠費一時  
忽跌落深淖有似鳥著精寒日已西匿游子方南馳孤店渺煙際僮馬飢以羸  
霏霏雪沒齷齪風裂肌古人貴遺體不肯臨深危兒行風雪中慈母安得知  
終當投紱去重補南陔詩

安仁驛

偶向溪邊洗客塵數株如玉照青蘋淒風冷雨分宜縣賴有梅花管領人

萍鄉

聞說萍鄉縣家家有絹機荒年絲價貴未敢議寒衣

牛田鋪大寒 萍鄉境內

暝色蟠空起瘴颼激地吹漸看雲布濩稍有霰紛披款款初飄瓦輕輕已點墀  
居人朝未覺客子夜先知巧侶莊嚴就勻如剪刻為充庭冰氏喜編戶染人疑  
灑密苔絨遍擊多樹壓垂高峰迷頂踵遠渡失津涯窘鬼低蹲草僵禽默墮枝  
馬難分牝牡烏不辨雌雄倏忽斜還整冥濛合又離半埋官路堠亂打寺廊碑  
猛勢欺袍絮寒光照鬢絲店荒敲盡閉橋滑步尤危破釜羹霜菜殘爐燎濕其  
廢粧憐婦怯露斲笑兒癡乍起毛皆蝟深藏手亦龜犬驚鄰吠急雞噪野鳴遲  
偏滯南轅路翻思北戍時旌旗明雁塞刁斗亂鷺池呵筆堪飛檄收燈可覆棋  
暮營蒙虎卧曉獵臂鷹隨浴鐵成何事披蓑自一奇空山冷忍凍窮巷嚙充飢

授簡悲才退烘衣感氣衰稍欣茅瘴薄已覺麥畦滋病怕邨茶冷愁嫌市酒醅  
帶問三十韻聊補昔人遺

醴陵客店

縣郭依稀隔渡頭解鞍來倚店家樓已攀桂樹陰招隱因看梅花賦遠游市上  
俚音多楚語橋頭碧色是湘流直南鄉國三千里目送羈鴻起暮愁

湘潭道中即事

敗絮龍鍾擁病身十分寒事在湘濱若非野店粘官曆不記今朝是立春  
灘鼓鼙鼙匝廟門可憐楚俗至今存屈原章句無人誦別有山歌侑桂尊

謁南嶽

中原昔分裂五嶽僅存一嗟余生東南有眼乃未覲清晨犯寒慄馬上青歷歷  
怪雲何處來對面失齒岸牛投勝業寺僧訝余不憚苦餘因獻嘲君定非韓匹  
彼來既軒露君至若封鐫余謂僧無躁茲可以理詰止僧坐悅亭靈翳忽冰釋  
石廩先呈身岫嶮俄見脊須臾天柱開最後祝融出高峰七十二回已得彷彿  
歎疾何嘗死懶殘元非寂恍疑在山中明當往尋覓咄哉三尺雪孤此一雙屐  
駕言欺靈瑣樓堞晃丹赤柏深不見人畫妙如新筆珠櫛千娉婷彈碁撫瑤瑟  
茫茫鬼神事荒幻難究悉吾師太史公江淮徧浪迹茲烏又浮湘汗漫恣游陟  
雖然乏毫端亦頗增目力規摹五字體蟠屈萬文碧詩成投褚中何必題廟壁



勝業寺

寺創於何代問僧皆不知  
槎牙夏后柏殘缺柳戾碑雪過禪堂冷  
氷餘嶽路危上封猶未到  
太息負心期

發嶽市三首

嶽下無耆老何從訪舊聞  
不知紫巖墓更隔幾重雲  
明仲竄蠻煙欽夫棄妙年  
空令後死者有淚滴遺編  
昔者監香火今焉裂芰荷  
祝融應冷笑還肯再來麼

湘江六言

屈賈死將千載劉君來泛湘江  
沽酒偶留村店看山不掩船窗

煙竹鋪

野迥村疎起暮寒偶逢廢驛卸征鞍  
主人家比漁舟小客子房如鶴柵寬  
燈與鄰通眠未易風從隙入避尤難  
侶聞南去加蕭索一夜披衣坐不安

衡水道中二首

一舍常分作兩程雪鞭雨袖少逢晴  
平生不識終南邈來傍湖南嶠子行  
過了衡陽雁北迴鄉書迢遞託誰哉  
嶽山石鼓皆辭去惟有湘江作伴來

黃熊嶺

黃茅迷遠近不見一人行  
信步未知險回頭方可驚  
路由高頂過雲在半腰生

落日無棲止飄飄自問程

祁陽縣

入境少人煙寒江碧際天  
小留因買石久立待呼船  
笛起漁汀上鷗飛縣郭前  
若無州帖至令尹即神仙

零陵

畫圖曾識零陵郡今日方知畫未如  
城郭恰臨瀟水上山川猶是柳戾餘  
驛亭幽絕堪垂釣巖室虛明可讀書  
欲買冉溪三畝地手苦茅棟徑移居

深溪驛去廣右界一程

苔滿朱扉半闔開更無人跡獨徘徊  
湘江臨別如相語早買扁舟出嶺來

全州

寂寂全州路家家荻竹扉  
異僧留塔在過客入城稀  
傳舍臨清泚官亭占翠微  
沙頭泊船者多自嶺南歸

炎閔亦名巖閔

閔北閔南氣候分雪飛不過古來云  
若非曾發看山願老大何因入瘴雲

秦城

缺甃殘磚無處尋當年築此慮尤深  
君王自向沙丘死何必區區戍桂林

未至桂州葉潛仲以詩相迎次韻



柘岡西路別君時，幾見天涯柳弄絲。  
橫草壯心空忼慨，覆蕉殘夢懶尋思。  
羞將白髮趁新府，却憶青山領舊祠。  
猶有南來奇特事，馬頭先得故人詩。

游水東諸洞次同游韵二首

桂山前未到，今日是初游。  
招雀登青嶽，呼龍俯碧湫。  
深溪通秉燭，小竇劣容舟。  
豈敢輕題詠，同官盡柳劉。  
舊聞巖洞勝，欲往自髫年。  
茸秀過靈隱，幽深似善權。  
遠環州堞外，近獻屋簷邊。  
倘有登臨約，甘為子執鞭。

春日五絕

眼邊桃李過匆匆，鏡裏衰顏豈再紅。  
久覺胃寒疎建焙，新因血熱戒兜筒。  
步入西峯不見人，數聲澗鳥自啼春。  
下山欲與唐碑語，先遣奴兵細拂塵。  
婦到城門欲發更，馬頭惟有暮鴉迎。  
小窗了却觀書課，幾首殘詩旋補成。  
老懶何心更出嬉，閉門終日讀陶詩。  
湘南二月花如掃，恰似扶疎遠屋時。  
曉風細雨斜斜，倦憊書生屋角花。  
想見水南僧寺裏，一株落盡病山茶。

嘗家洲二首

來訪唐時事，荒洲暮靄青。  
徧生新草棘，難認舊池亭。  
毀記欺無主，存祠怕有靈。  
今人輕古迹，此地少曾經。  
梨柳英靈渺莽中，鶴歸應不記遼東。  
遺基只有蛩鳴雨，往事全如鳥印空。  
谿水

無情流瀲灩，海山依舊碧叢叢。  
斷碑莫怪千迴讀，今代何人筆力同。

舜廟

粵俗安知帝，遺祠亦至今。  
青山人寂寂，朱戶柏森森。  
雨打荒碑缺，苔封古洞深。  
曾聞張侍講，來此想韶音。

得家訊

不覺離鄉久，南來驛使疎。  
羈臣一掬淚，慈母兩行書。  
租稅聞輸畢，田園說歉餘。  
何時真宦達，處處奉蒲輿。

上已與二客游水月洞分韻得事字

勝踐造物慳，貧交世情棄。  
昔戒十客來，且無一人至。  
惟余暨兩君，鼎足坐水次。  
歡言天氣佳，誰謂風土異。  
高吟雜騷選，序酌逮髻滌。  
厓去惡詩捫石認，缺字古來幾。  
襖飲傳者終，一二蘭亭感慨多。  
未了生死事，杜陵更酸辛。  
窮眼眩珠翠，旨哉茲日游。  
超然貴塵累，逍遙千載後。  
尚有浴沂意，巖扉滑如玉。  
歲月可鏤識

出城二絕

日日銅瓶插數枝，瓶空頗訝折來稀。  
出城忽見櫻桃熟，始信無花可買歸。  
小憩城西賣酒家，綠陰深處有啼鴉。  
主人歎息官來晚，謝了醪醑一架花。

三月十四日陪帥卿出游

未出堯山雲既出，雲徐開君侯與天通。  
造化力可回，駕言訪巖扉。  
羣彥森然陪



旗鉞映川原，笳吹喧蒿萊。掃石坐夷曠，捫葛窺崔嵬。訾洲久蕪沒，草樹皆新培。  
范張數君子，遺刻蒼蘚埋。方羊不忍去，返照明千崖。沙禽就栖宿，綵鷁猶徘徊。  
眷馬宇宙間，此樂何常哉。鄴都會應劉，梁園命鄒枚。主人富貴人襟抱，尤雄猜。  
當年篇翰存，往往鄰俳諧。英英大都督，羔雁招遺才。雲煙生妙筆，冰雪懸靈臺。  
况復是夕霽，素魄海上來。一碧九萬里，空洞無纖埃。臨風惜飲量，孤負黃金壘。  
座中盡文豪，授簡奚徘徊。吾詩固拙速，聊為石生媒。

武岡葉使君寄詩次韻二首

詞客紛紛載後車，誰能遠寄病相如。雙旌已拜湖南牧，尺素猶題嶺外書。詩句  
騎驢游蜀後，情懷賦鵬弔湘餘。但聞闔郡春風暖，便擬移家占籍居。  
北戍逢君歲建寅，豈知今作落南人。瘴來客病鄰山鬼，舶去鄉書託海神。目送  
飛鳶偏戀土，夢隨画隼共行春。謝家兄弟如雙壁，交契寧非有宿因。

移居

庭下薔薇樹，花開玉雪毵。主人明日去，相對似含愁。  
隣曲無還往，何由有別情。惟應小牕月，長記讀書聲。

弔錦雞一首呈葉任道

炎州產文雞，毛羽固天稟。朱丹飾尾距，綵繡錯襟衽。主人極珍憐，禽合分俸廩。  
置諸後園中，小奴司啄飲。地荒籠柵疎，客見輒危慄。黠狸出沒精，豪鼠窺伺穩。

諒禹彼饒涎，或矚君高枕。駭機中夕發，果以斃來詭。裂冠首立碎，齧嚙聲已噤。  
酷哉三尺喙，殘此一段錦。長嗟命瘞埋，詎忍付烹飪。始為文采累，終欠智慮審。  
老瞞我孔公，千載憤凜凜。黃祖殺處士，粗暴犯流品。况茲毒鷲物，尤索防閑甚。  
善視雙翠衣，夜涼勿嗜寢。

哭孫行之二首

已了燈窗債，心知舉業非。立朝多諫草，取友必深衣。壘甕貧時共，書筒貴後稀。  
病身偏惜淚，一為故人揮。  
世上高科衆，君尤自貴珍。如何一夕裏，忽盡百年身。雙旌齊眉友，孤燈擁髻人。  
傷心惟孟母，頭白送歸闕。

即事

嶠南氣候異中州，多病誰令作遠游。瘴土不因梅亦濕，颶風能變夏為秋。方眠  
壞絮俄敷篔簹，已着輕絺又索裘。自歎幻身非鐵石，天涯豈得久淹留。

楮樹

楮樹婆娑覆小齋，更無日影午窗開。一端能敗幽人意，夜夜牆西礙月來。

象奕一首呈葉潛仲

小藝無難精，上智有未解。君看橘中戲，妙不出局外。屹然兩國立，限以大河界。  
連營寨中權，四壁設堅械。三十二子者，一一具變態。先登如挑敵，分布如備塞。



盡銳賈吾勇持重伺彼急或遲如圍宮或速如入蔡遠砲勿虛發冗卒要精汰  
負非繇寡少勝豈繫強大昆陽以象奔陳濤以車敗匹馬郭令來一士汲黯在  
獻伴將策勲得雋衆稱快我欲築壇場孰可建旗蓋葉戾天機深臨陳識向背  
縱未及國手其高亦可對狙捷敢饒先諱輸每索再寧為握節死安肯屈膝拜  
有時橫槊吟句法尤雄邁愚慮僅一得君才迺十倍霸圖務并弱兵志貴攻昧  
雖然屢剋獲詎可自侈怙呂蒙能馘羽衛瓘足縛艾南師未宜輕夜半防斫寨

送陶仁父

自古送行情味惡君行快似泛仙槎新班人少先投卷下水船輕易到家南浦  
不堪看草色西湖尚可及荷花諸公若問栖栖者為說吟詩兩鬢華

書壁

絲衣蒲屨小綸巾四壁清風一榻塵誰謂先生貧到骨百金新聘竹夫人

移竹

借居未定先栽竹為愛疎聲與薄陰一日暫無能鄙吝數竿雖小亦蕭森窓間  
對了添詩料郭外移來費俸金自笑明年何處在虛簷風至直披襟

後村居士詩卷第五

後村居士詩卷第六

詩南嶽舊稿

癸水亭觀荷花

執熱屏人事偃卧慵巾裳過門二三友失喜跣下床鳴騶出華陌聯轡遵野塘  
崇軒俯萬荷濯濯涵波光都忘瘴海中疑墮玉井傍遠無膏粉氣近有冰霜涼  
製葉可以衣采的可以嘗離騷譜靈草品余列衆芳似曾識三閭安肯肖六即  
詞人更儂薄比詠猶妃媵曷不觀茲華意色和而莊風吹月露洗豈若冶與倡  
衆方慕絕艷誰能參微香余詩縱枯淡一掃時世粧

棲霞洞

往聞耆老言茲洞深無際閣中或識路塵外別有世幾思絕人事齎糧窮所詣  
棋終出易迷炬絕入難繼孤亭渺雲端於焉小休憩憑高眺城闕擾擾如聚蚋  
盡指滓穢念遂有飛舉勢山靈媚清游雨意來極銳濛濛濕莎草浥浥涼松桂  
暝色不可留悵望巖扉閉

堯廟

帝與天同大天存帝亦存桑麻通絕徼簫鼓出深村水至孤亭合山居列岫尊  
尚餘土階意樵牧踐籬藩

五月二十七日游諸洞



來南百慮拙所得惟幽尋矧余玉雪友共此丘壑心江亭俯虛曠穴室窮邃深  
是時薄雨收白霽籠青岑棄筇追野步却扇開風襟炎方豈必好差遠擊鼓音  
且願海道清莫問神州沉徘徊惜景短留滯畏老侵昨游感鶯弄今至聞蟬吟  
常恐官事繁佳日妨登臨譬如逃學兒汲汲貪寸陰何因釋膠擾把臂偕入林

泛西湖

桂湖亦在西豈減頽與杭升橋抗崇榭潑波浮輕航休沐陪勝餞軒蓋何煒煌  
停橈藕花中一日千紅裳詎知白晝永但覺朱夏涼古洞半蕪廢仙人今在亡  
踞石散醉髮吸澗流唵腸延緣繚溪步詰曲經禪房野鳥啼密竹高蟬噓疎楊  
雖無絲管樂談論諧宮商諸君敏于詩援筆如飛翔願予之華藻山雞追鸞皇  
頗能讀古碑所恨侵夕陽明發復擾擾前游未可忘

題許介之詩藁

益公稱其詩

我留鳶跼外君住雁迴邊走僕行千里敲門授一編真妍非粉黛至巧謝雕鐫  
何必周丞相男兒要自傳

慈氏閣馬氏建

閣建五季時丹碧見層索吾行半區中鉅麗莫與比想方營綜時伯心極雄侈  
但思窮耳目寧論竭膏髓一朝陵谷變飛電掃僭壘湘波日夜流不洗爭篡恥  
惟存浮屠居願力久未毀夕陽弔陳迹危檻聊徙倚遙憐下界熱高處涼如水

若非迦嚴鑰坐待鐘聲起

脩然亭

每到闌干畔徘徊暮始還為憐鄰水寺盡見隔城山墻綠青苔裏舟藏綠樹間  
松扉宜步月只是限重關

辰山

一疊峯三洞迺似弘景樓下洞初俯入辭室寒颼颼中洞忽躍出有徑通玄幽  
豁然崖谷判萬態誰鑄鍤或如植寶幢或如綴珠旒或如鯤鯨飛或如龍麟游  
石橋狀天台木棧疑蜀州稍憇大士巖遂經羽人立力窮至上洞身載雲氣浮  
未畢山水緣勉為塵世留平生避地心茲焉宜菟裘長斧樵青壁短蓑耘綠疇  
獨恨汲路遠溪澗皆背流會當逢異人卓錫成靈湫

千山觀

西嶽林巒擅一城渺然飛觀入青冥于湖數字題華棟陽朔千山獻画屏境勝  
小詩難寫盡天寒薄酒易吹醒獨游不恨無人語滿壑松聲可細聽

曾公岳

廣室內嵌空層峯外巍嵬仰視駭懸石俯踐愁滑苔古竇風肅肅陰澗泉洄洄  
飛梁跨其間上可陳樽壘愛涼復畏濕當暑重裘來名岳者誰歟兄固弟子開  
憶昔建中初國論幾一迴惜也祖荆舒卒為清議排至今出牧地姓氏留蒼崖



躊躇增慨歎日入禽聲哀

郊行

薄有西風意郊行得自娛山晴全體出樹老半身枯林轉亭方見江侵路欲無何妨橋纜斷小縱故堪呼

秋日會遠華館呈胡仲威

嶺表豈必熟庚伏頻滂沱薄莫愿招要益李參瓶荷君戾如長松折節文藤蘿奇字識夏鼎古音彈雲和今日素商至高屋涼意多夜清羣籟息已有蛩鳴莎人生不欲酒賢愚同銷磨拍手問湘纍獨醒欲如何謬承青眼顧詎惜蒼顏醜客散我亦歸耿耿看斜河

老大

老大重登聘士臺客懷牢落可曾開臨流往往看蒼墜入署嘗嘗見馬來有約青山何日去無根白髮是誰栽自嫌不帶功名骨只合眠莎與坐苔

伏波巖

懸崖萬仞餘江流繞其趾仰視不見天森秀拔地起中洞既深豁旁竇皆奇詭惜哉題識多蒼玉半鏽毀安得巨靈鑿永削崖谷恥緬懷兩伏波往事可追紀銅柱成浪泊樓船下湟水時異非一朝地去亦萬里山頭博德廟今為文淵矣謂予詩弗信君請訂諸史

詰猫

古人養客乏車魚今汝何功客不如飯有溪鱗眠有毯忍教鼠齧案頭書

八桂堂呈葉潛仲

金華丞相之孫

之子初度日畏客如避仇朱門禁入謁青山招出游置醴泉石間涼意生觥籌風檻絳華馥冰盤丹實游起誦眉壽篇酌君介千秋煌煌丞相孫少也宜襲侯黑頭去云遠白髮來何稠君言權位盛孰若志意修靜觀鍾鼎族起滅猶輕漚祝君象韓呂不羨煇與攸

挽聶孺人

平樂董令之內

已病猶蔬素西歸不復疑飛鳧踰嶺遠別雀返鄉遲歲史傳賢女巾幗付侍姬白頭潘令在應有悼亡詩

題胡仲威文藁

熟讀執事文恍如入寶山瑰異千萬種一一無可刪瑤草既俯拾珠樹亦仰攀美玉不知數照映穹壤間大者中圭瓚小者堪佩環居然郊廟器胡為委荆菅嗟余頗識寶對之清涕潛携寘蔀屋內虹氣驚市闌常恐陽虎輩竊去亡踪還何當變姓名袖出函谷關

戴秀巖

戴秀者兵卒也得道於此

諸巖視諸峯厥狀尤崢嶸舊為碧蘚封新有朱棧橫縻腰尚恐墜束炬力可行



外狹中乃寬始闇俄忽明仰窺神魄悻俯顧形骸輕遂覽丹爐基微聞玉鼓聲  
源深足力盡路黑雲氣生不辨晝夜分恍疑世代更嘗聞學神仙所得由專精  
豈吾諸名士羨彼一老兵欣然約同志嗣此將尋盟安知無白鹿絕頂來相迎

寄左次魏二首

多謝齊安牧交情未濶踈方籌江北事肯寄海南書開幙交鋒處修城劫火餘  
別來多添歲筋力近何如  
同事征西府聞君已繡衣小侵今視昔大捷是耶非  
輿尸返偏裨奏凱歸  
六閩天樣險莫遣賊能飛

中秋湘南樓餞張昭州

臺使選良牧詔下帝曰俞高牙植華艦餞者來傾郭明月滿麗譙寒光映尊壺  
桂人願少留昭人望疾驅一室可為政况乃有國都嶺民日以耗丁口彊半無  
洋洋紫雲詔侯其勒座隅道鄉游息處暇日披榛蕪鄙拙忝投分臨風獨踟蹰  
頗念友離索寧論鬼柳揄何繇扣鈴閣百榼傾兵厨郡酒絕佳

榕溪閣

山谷南遷維舟榕下

榕聲竹影一溪風遷客曾來繫短蓬我與竹君俱晚出雨榕猶及識涪翁

哭譚戶錄二首

讀過書皆記非惟善屬文有名登進士無命作秦軍白髮行秋暑青衫殞瘴雲

可憐膏火下虛費一生勤

宵次有千年囊中之一錢客來論旅殞官為雇歸船通德梳新髻童烏拾舊編  
傷心隣巷裏廢宅鎖寒煙

風

風於天地間惟桂尤其雄將由巖竅多或是地形穹不知起何處但覺來無窮  
浮埃晦白晝奇響激半空一怒動旬決小亦數日中城堞凜欲壓况此半畝宮  
嘗聞古至人御氣猶輕鴻劉季晚可憐擊筑悲沛豐我老斷恐怖眠身等枯蓬  
飄擲付大塊奚必分西東

觀射

浪箭束如林傍觀笑不禁蠻平無事久卒情可憂深各自分牛鬻何曾負蝨心  
种戾清澗法能廢幾黃金

荔支巖

洞内小石如荔支者無數

異境閔神奇一罅通深阻呀然張蟾吻光怪腹中貯始來尚覲面稍進但聆語  
回頭失塵世束縕行里所石房容十客石柱徑丈許眠葵若將吠墜果疑可咀  
平生聞化城今見玉樓櫓陟高既趨捷循狹或偃僕忽逢路窮處淺浪隔洲渚  
心知仙聖居欲到無飛羽向非薪燭力往返何異瞽重游儻未卜聊向詩中覩

再游棲霞洞



直路幽陰側路明玉為墻壁雪為城殷勤報有詩翁到萬一仙人肯出迎

佛子巖

環郭洞府多所患在早濕斯巖獨虛敞他境未易及穹如層屋構廣可百客集  
開竇送雲出掃壑延月入穴居倘堪謀徑欲老樵汲絕顛猶玲瓏苔磴不計級  
惜為僧所泥飛棟綠紫爰佞佛墮痴想明鬼趣陋習遂令登眺者欲往足若繫  
何當一燎空盡見萬仞立

劉仙巖

絕頂來尋鍊藥蹤老仙端的是吾宗寄聲月白風清夜定許相期第幾峯

龍隱洞

先賢評桂山推爾居第一豁然碧瑤戶夾以雙玉壁中有無底淵黑浪常蕩滴  
諒當剖判初倍費造化力雷噴斧山開龍怒裂石出至今絕頂上千丈留尾脊  
寧論兒女子壯夫敢為慄我來欲題名腕弱墨不食摩杪秋李碑文字尚簡質  
今人未知貴後代如寶惜湫流工駭舟久游覺蕭瑟岳室寬如家迴權聊惕息

秋武襄公平蠻碑李師中待制宋頊在馬

哭梁運管飯

丞相克家之孫

憶共游山猶昨日奄歸白晝隔存宅深外不知何病鑿雜人爭試一方弔客  
傷心同瀝酒愛姬收淚各分香淳熙丞相潭潭府今日門庭冷似霜

琴潭

山形若覆奩潭面如拭鏡奇哉几案物千古棄荒蕪了無板躋勞坐愜幽楚性  
泉源黑難窮崖色碧相映闊深畏龍蟄窺淺見魚泳可憐風水聲空山誰來聽  
我欲買茲丘掃迹逃鷺競未言葺茆齋先可理漁艇

清惠廟

來訪古祠宮迢迢過水東一條溪不斷數里竹方通巫拜分餘昨商行禱順風  
粒樓空百尺半仆夕陽中

辰山道人

道人何為者寒暑一破衫髮白具老態口訥稀冗談我陪小隊來猿鳥窺層嵐  
道人方掩戶燕坐彌陀龕迎客不下山送客不出菴即之長槁木面首寒巉巖  
贈錢漠然謝有若投諸潭微言歲計熟收芋已滿籃斯人未識字豈必曾遍參  
所立偶自高可傲佞與貪

玄山觀

宋之間別墅

來瞻石像看唐碑一徑蒼松映碧漪聞說宋公曾住此寄聲過客細吟詩

榕溪隱者

榕溪有隱者幽事在溪曲治地可十畝方整如奕局始行入荆扉漸進至茅屋  
樹之百盆蘭繚以萬竿竹解衣憩繁陰擁鼻參微馥主人聞客來引避若駭鹿



却詢守舍兒云已出賣墨壁間見其像條褐巾一幅安知非回仙寄跡混塵俗  
矢詩慕高風君歸儻肯讀

楔亭 南軒所立

年年春草上亭基父老猶能說左司寂寞當時修楔處一間老屋兩殘碑

自用臺字韻一首

脫了荷衣事將臺霸留又見嶺梅開詩因癸水辰山作訟自雷州電縣來架上  
書從人借讀牆邊竹是俸移栽小窗睡起無情味閑聽飢禽啄砌苔

簪帶亭

上到青林杪凭欄盡桂州千峯環野立一水抱城流沙際分漁艇煙中見寺樓  
不知垂去客更得幾迴游

程公巖

石室外甚狹中廣如毬場偉哉鉅麗居天造無棟梁巖冬既深燠盛夏尤虛涼  
偶至不忍去杖履猶方羊人能專此壑何必政事堂先須置禪龕次第營丹房  
煙霞入几席塵土麾門牆學道縱未得著書亦可藏

哭林推官 晉之

去歲衝寒赴辟時感君騎馬遠追隨一春不得梅花信萬里空題薤露詩小簡  
佩壺邀士友大鎔煮粥活流移平生二事尤堪記應有名公與撰碑

鵲

久不聞烏鵲朝來噪不休殊卿無喜事應為買婦舟

榕臺二絕

拔地高崖如鐵色拂天老樹作寒聲它年記宿榕臺夜便是南歸第一程  
囊無金累貧如故鏡有絲生老奈何一事尚堪誇北客來時詩少去時多

嚴關新洞

羽客初尋見因於此葺廬未能平險峻先擬駕空虛磴路樵相引山名尉自書  
首來臨驛道未必有仙居

乳洞

千峯夢裏尚崔嵬不記青鞋走幾迴天恐錦囊猶欠闕又添乳洞入詩來

發湘源驛寄府公

走本山中人感激趁燕臺謬辱弓旌招愧乏謀議陪先生如春風盎然噓陳荻  
曉入開玉帳夕話高鈴齋下榻驚一府撰杖窮千崖豈曰君蓄吸實惟子視回  
歲晚謀北轅凄其難為懷欲言先菟結既結猶徘徊是日戒行李送者皆繡杖  
兵厨遣珍餉祖席羅寶釵下令許卜夜寧畏街鼓催詰旦枉葺蘇山亭陳金壘  
都人如堵堵謂我何榮哉未聞從事去親致元戎來繼繼談至夜霜月照露苔  
長跪抱馬足離緒焉能裁麗譙落天杪悵望空倚棹昔人死知己骨朽名不埋



公有管樂姿愚非温石才他時倘後彫安敢忘栽培

鐔箭 史祿渠至此分水

世傳靈渠自秦始南引灘江會湘水楚山憂赭石畏鞭鑿崖通壘三百里篙師  
安知有史祿割牲沉幣祀瀆鬼我舟閣淺懷若人要是天下奇男子只今渠廢  
無人修嗟乎秦吏未易咎

書堂山 柳開守清湘讀書處

子厚文章宗仲塗豈後身不肯作崑體寧來牧湘濱誅茅翠麓顛日與書卷親  
剗去五季衰挽回六籍醇歐尹相繼出孤唱繇伊人風流喟已遠尚喜棟宇新  
千峯高葉叢一江碧粼粼禽魚暨草樹纖悉几案陳澗泉既可汲山木亦可薪  
熟讀壁間藏痛掃毫端塵勗哉山中友勿厭泉石貧

湘中口占

少年裘馬事清狂晚看梅花到瘴鄉一任海風吹面黑免教人謗作何郎  
船頭吹火盧仝婢馬後肩書類士奴安得世間名畫手寫予出嶺泛湘圖  
江邊金碧謾層層戶口稀疎塔廟增楚俗不知黃面老家家香火事湘僧無量壽佛是也  
津吏沙邊立指呼放船出鎖要州符書生行李堪抽點惹以明珠一例無  
見方雲臺題壁  
寄書迢遞夢參差每見留題尉所思不論驛亭僧寺裏有山水處有君詩

土馬村

村墟薪湿米如金猶記來時臘雪深曾有小詩題歲月店荒無壁可追尋

祁陽道中

昨過知岑寂重來况雪天人居雞柵裏路在鳥巢邊草市開還閉茅山斷復連  
瀟江清似鏡悔不問歸船

愚溪二首

草聖木奴安在哉荒榛無處認池臺傷心惟有溪頭月曾識儀曹半面來  
青雲失脚謫零陵十載溪邊意未平溪不預人家國事可能一例受愚名

浯溪二首

上置書堂下釣磯漫即陳迹尚依稀無端一首黃詩在長與江山起是非  
形容唐事片中元子文猶有古風莫管看碑人指點寫碑人是太師公

石鼓

石鼓名天下州岸畫不如古祠猶漢舊石刻半唐餘翠燦供憑几寒江照讀書  
恨余非楚產來借一房居

湖南江西道中十首

獨醒公子去沉湘未識人間有醉鄉酒與離騷難捏合不如痛飲是單方  
賈生廢宅草芊芊路出長沙一悵然今日洛陽歸不得招魂合在楚江邊



少陵阻水詩難繼子厚游山記絕工斷壁殘圭零落錦新碑無數滿湘中  
去年冬至投僧寺今歲陽生宿店家獨夜無人堪晤語青燈相對結寒花  
蠻府參軍鬢髮蒼自調款乃答漁郎從今詩律應超脫盡吸瀟湘入肺腸  
丁男放犢草間嬉少婦看蠶不画眉歲暮家家未納熟萍鄉風物似幽詩  
每嘲介甫行新法常恨歐公不讀書浩歎諸劉今已矣路傍喬木日凋疎  
茫茫衰草與雲平斗氣千年不復明惟有多情逢上月相隨客子過豐城  
派裏人人有集開竟師山谷友誠齋只饒白下騎驢叟不敢勾牽入社來  
上封已失獄僧期客問丹霞謝不知懶到登山臨水處始驚筋力減來時

曉雞

絳憤昂然韻節清不因風雪廢長鳴初聞煙岫猶啣月久聽山城漸殺更驚起  
征夫茅店夢喚回老將玉闥情年來無復中宵舞自笑功名一念輕

哭裴司直元量

築室西山下孤標未易親長閑如野雀偶出似祥麟屬者陪髦士嗟乎瘞玉人  
北風吹老淚空滴暮江濱

豫章二首

湖光如鏡了無塵照見先生白髮新歲晚騎驢行萬里始知孺子是高人  
交游回首散如煙重過洪州隔世然手種垂楊皆合抱朱顏安得似當年

還杜子楚詩卷

老眼昏花廢課程小窗久矣斷書聲夜來忽得君詩卷自起挑燈讀到明

訪李公晦山居

烏洲在橋北我僕云路迂語僕爾何知彼有高士廬問樵得處所林樾尤扶疎  
脩竹僅萬箇古梅非一株小畦植蔬果復有沼可魚下馬式籬藩攝袂循庭除  
不聞雞犬聲茶烟起庖厨伊人道義富豈比山澤癯蕭然蓬蒿中尚友泗與洙  
古來連雲第翕赫衆競趨漸臺暨郿塢變滅纔須臾聖門不朽事迥屬陋巷儒  
願君長保此是亦顏之徒

道傍梅花

風吹千片點征裘猶記相逢在嶺頭歲晚建州城外見向人似欲訴離愁

戲書客舍

已去光陰挽不回漸驚老態逼人來決河猶有方堪塞脫髮應無術可栽北戍  
寶藏惟檄草南游細載是詩材客愁何物禁當得聊向旗亭買一杯

懷安道中

閩溪瘴嶺客程賒曉泊懷安喜近家大屋書旗夸酒米小舟鳴櫓競魚蝦溪移  
驛已臨高岸潮退帆多聚淺沙快着征衫鞭瘦馬要着二十里梅花

哭方澤孺先生二首



弟子成名衆先生獨命窮  
廣場雙鬢禿陋巷一瓢空  
雞饌為親設牛衣與婦同  
嗟呼猶嗇壽神理竟難通

方訝書來少殊紳訃忽聞素悼無  
祭主破筭散遺文已閉三間屋  
誰封四尺墳  
舊曾傳業者南北各離羣

真隱寺

出郭斜陽已在山夜深乘月到江干  
奴敲小店牢扃戶僧借虛堂徑掛單  
駭浪急回因膽薄逆風小住為心寬  
投床一枕瀟湘夢無奈霜鐘苦喚殘

道傍松

入閩多古松夾道踈復密未嘗識  
兵火既久蔽雲日蠢茲惰游民  
深夜腰斧出斲根取脂肪竊負如鬼疾  
譬如人則趾僵仆立可必供君一瞬  
光天彼千歲質暴殄聖垂誠樵採官著  
律徼吏耆雞豚熟視不訶詰登高撫  
遠路巨榦日蕭瑟哀哉暑行人喝死誰  
汝恤

枕峰寺

夜深投寺解行裝一點寒燈照上方  
老宿問余何處去年年來此借禪床

乍歸九首

官滿無南物飄然匹馬還惟應詩卷裏  
偷畫桂州山  
兒童娛膝下母子話燈前却憶江湖上  
家書動隔年

北戍邊城下南游瘴海頭不知天地內  
何處可逃愁  
絕愛墻陰橘花開滿院香隣人欺不在  
稍覺北枝傷  
字若如天馬軒昂不可羈為貧踈飲客  
因病出名姬  
池檐逢除夕檀欒共擁鱸把如為客看  
還得似家無  
架書多散亂信手偶拈開匹似前生讀  
茫然記不來  
手種梅無恙蒼苔滿樹身可憐開較早  
不待遠歸人  
格力窮方進功夫老始知儘教人貶駁  
喚作嶺南詩

題坡公贈鄭介夫詩三首

玉座見圖歎纍纍菜色民如何崔白輩  
只寫蔡如真  
向來與相國投分自鍾山不入翹材館  
甘為老抱閔  
下吏語尤硬投荒身轉輕不然玉局老  
肯喚作先生

後村居士詩卷第六

後村居士詩卷第七

詩



蔡忠惠家觀墨蹟

惟蔡郡之望過者必式閭巖巖端明廳遺像猶肅如頗聞手澤富儻許窺珍儲  
主人命發筭棊几同卷舒比顏倍秀麗眠柳如敷腴毫杭兩記在妙與蠟本殊  
洛橋字尤佳其大徑尺餘班班名臣帖煌煌昭陵書坐令承學士若觀慶曆初  
向來故家物聚散何忽諸祭器抱它適玉軸棄路隅端明夢奠時應門惟一孤  
厥商日以蕃廟院蜂房居寸紙惜如命不博明月珠乃知儒澤遠浮榮無根株  
勗哉守視者巾襲防蠹魚

昔方孚若主管雲臺予監衡嶽每歲瑞慶節常聚廣化寺拈香癸未此  
日獨至寺中輒題一絕

同作祠官荷聖朝年年相待放生橋精廬此日來無伴稽首爐熏自祝禱  
有感

策策秋聲起樹枝遙憐塞下雁來時寧聞中夜荒雞舞肯捨它人竹馬騎短劍  
舊曾交俠客小詩猶足將偏師無情却是青銅鏡剛照書生兩鬢絲

挽水心先生二首

一夢孝皇初悽然四紀餘國人莫知我天下孰宗予散地雖無柄名山儘有書  
烏庠傳萬世猶且矯玄虛  
所學如山海吁嗟不一施未聞訪箕子但見誅宣尼空郡來陪哭無人敢撰碑

紛紛門弟子若箇解稱師

林容州別墅

出郭五里強治地十畝寬奇峰面朝挹高阜背屈蟠忽獻若神授久閱由天慳  
茲烏卜壽宮朱堊浮林端使君世慮澹出嶺顏如丹靜思三窟危孰如一丘安  
蔣策既森秀引泉亦甘寒願言奉巾屨暇日來盤桓

哭林山人

僵卧茅簷下怡然八十春竟無衾覆首惟有鍾隨身賻弔稀來客封崇托外親  
自言墳出費後必產奇人

挽方孚若寺丞二首

使君神雋似龍麟行地飛空不可馴詩裏得朋卿與我酒邊爭霸世無人寶釵  
去盡中年病珠履來踈晚節貧昔共誅茅聽瀑處溪雲谷月亦悲辛  
斯人詎意掩斯丘六合茫茫不可求射虎山中如昨日騎鯨海上忽千秋帝方  
欲老長沙傳虜尚能言博望侯回首瀨溪溪畔路跋驢無復從公游

挽方武成二首

左鉞

頗有翁標致唐衣折角巾雖疑頭小銳極愛腹精神潤矣雲霄志悲哉露電身  
世間無妙質一慟惜斯人  
卅角詩名出流傳海內誇師稱起予者翁問倩人和惜未參諸老猶堪擅一家



從今崖瀑上誰共訪梅花

福州道山亭南豐作記

絕頂煙開霽色新萬家臺觀密如鱗城中楚楚銀袍子來讀曾碑有幾人

建州

風緊雲高雪尚慳建州城北倚闌干林梢淡日紅如綫應為梅花暖晚寒

起來

起來呵手檢衣篝燭影蛩聲伴小樓賴有夢中堪細說錦牋寫不盡離愁

入浙

浦城南畔只輕陰入浙方驚雪許深梅皜楓丹三百里笑人短幅寫寒林

寄人

老携詩卷入京華覓店先須近酒家白髮但能妨進取未妨痛飲挿梅花

壽昌

山路泥深雪未乾病身初怕浙西寒新年臺曆無人寄且就村翁壁上看

桐廬

桐廬道上雪花飛一客騎驢覓雪詩亦有扁舟蓑笠興江行却怕子陵知

富陽

便着羊裘也不難山林未有一枝安富春耕種桐江釣却羨先生別墅寬

記夢

父兄誨我髧髧初老不成名鬢髮踈絰帳鐵檠風雪夜夢中猶誦小時書

出都

客子來時臘雪飛出城忽已試單衣湖邊移店非無意要共林逋話別歸

題硯

吾硯平生極自珍塗雲抹月發清新臨歸携就西湖洗不受東華一點塵

杜丞

憶冒重圍入孤城賴不亡戰功何日賞檄草至今藏舊事歸詩卷新寒入箭創

江邊逢杜杲鬢髮各蒼蒼

久客

久客長安市人情薄似雲寧為絕交論不著送窮文白髮長千丈黃金盡百金

故山春事動深恐廢耕耘

贈陳起

陳侯生長紛華地却以芸香自沐熏鍊句豈非林處士鬻書莫是穆參軍兩簷

兀坐忘春去雪案清談至夜分何日我閑君閑肆扁舟同泛北山雲

贈翁卷

非止擅唐風尤於選體工有時千載事祇在一聯中世自輕前輩天猶活此翁



江湖不相見繞見又西東

路傍桃樹

為愛橋邊半樹斜鮮衣賁酒隔橋家唐人苦死無標致只識玄都觀裏花

題壁

兒時挾彈長安市不信人間果有愁行遍江南江北路始知愁會白人頭

馬上口占

陌上鞦韆索漸收金鞭懶逐少年游晚風細落梨花點飛上春衫總是愁

挽李尚書二首

韓范止如此公乎事又艱不陪冶城廟合殉定軍山壘出千官賀弓藏一老閑  
瑯戈提十萬猶記凱歌還

幕下多材雋于今盡策勲可憐狂處士曾揖大將軍久成兒郎老新招部曲分  
此生甘寂寞有淚濕高墳

橋西

昔飲橋西歲月多梨花深處侍郎過垂鞭欲訪前羣約奈何蕭蕭鬢雪何

黃田人家別墅綠山種海棠為賦二絕

萬紅扶路笑相迎彷彿前身石曼卿若向花中論富貴芙蓉城劣海棠城  
海棠妙處有誰知全在胭脂乍染時試問玉環堪比否玉環猶自覺離披

郭熙山水障子

高為峯巖下濤江極目森秀涵滄浪始知着色未造極壹似醜女施鉛黃驚泉  
駭石聚幽怪巨楠穹柏蟠老蒼鹿門寺華子岡是耶非耶遠莫詳疑聞鐘聲起  
掩靄似有帆影來微茫陌窮渡絕雪滿坂驅鞍釣笠分毫芒炎曦亭午試展玩  
坐覺煙雨生縑緗古來絕藝必名士俗史辟易安敢當大年脂粉米老狂先朝  
僅數燕侍郎吾聞汾陽子貴購父畫一筆不許它人藏矮屏短軸已可寶况此  
四幅垂華堂嗚呼主人謹護守神雷鬼電或取將

挽林夫人 方字若母

奉使年三十聲名滿四夷奇哉何物媪生此丈夫兒墓竟同孫空家猶有婦持  
向來稱壽地忍聽鼓簫悲

挽葉夫人 丞相女孫字若內子

年與藁砧齊來嬪自始笄典刑丞相子禮法丈夫妻怪鵬驚頻集離鸞忍隻棲  
傷心衾含等猶是嫁時齋

題洪使君詩卷 陳師復為序

刻於芹泮士爭披傳到茅廬我切窺突過章郎森戟句高如柳惲采蘋詩日惟  
坐歛熏沉水間六搖毫品荔支况有太丘為小序遙知流布滿京師

閩全驟雨圖



四山昏昏如潑墨行人對面不相覲  
凄乎太陰布肅殺闇然混沌未開闢  
千丈擎空蟄龍起一聲破柱春雷疾  
我疑人間瓠子決或是天上銀河溢  
異哉煙霏變態中山川墟市明歷歷  
茅寮竹寺互掩映踈春殘磬渺愁寂  
叟提魚出寒裂面童叱牛歸泥沒膝  
羊腸峻坂去天尺驢飢僕瘦行安適  
林僧卸笠窘迴步海商拋町憂形色  
縱覽鯤鵬信奇偉戲看鳧雁亦蕭瑟  
乃知畫妙與天通模寫萬殊由寸筆  
大而海嶽既盡包細如針粟皆可識  
向來閔生何似人想見丘壑橫  
曾臆嗚呼使移此手為文章豈不擅  
長稱巨擘

哭左次魏二首 暮

少日一編書中年文二文乃知杜預智  
誰謂狄山愚小試飛箱策方為進築圖  
到頭麟閣上終不着矐儒

甫痛何即天丘明亦復然因思題墓上  
不若鬪樽前劍馬為誰得琴書有女傳  
惟應千載下配食雪堂仙

君與何立可皆江淮同幕相繼沒于齊安

寄永嘉王侍郎

珍重西清老書來訪薛蘿為邦應好在  
作佛竟如何花押常衙少柑香靜坐多  
聞公鬚尚黑未害小婆娑

秋熱憶舊游二首

憶昔浮江更涉淮早秋天氣最佳哉  
塞垣榆落蟬初少澤國蘆疎雁已來  
風露

入懷詩筆健閑山滿目笛聲哀南州九月猶絡繹  
縱有清樽底處開塞上秋光冷似冰當年豪舉氣  
憑陵打毬不用炎方馬按獵初調異國鷹山寨  
淒涼聞戍鼓水却搖落見漁燈而今病啜茅簷底  
追記猶堪洗鬱蒸

哭李景温架閣 大有

挾策說荊州那知亦闇投漫招温處士幾殺杜參謀  
出幕有清議還鄉空白頭人間容不得下與阿翁游

建炎丞相其祖也

送鄭端州 起沃

想入漳潮境牙旗夾路紅帝方憂瘴俗君可惠清風  
海有沉珠戶巖無斷硯工它年循吏傳要雜古人中

送方子約赴衢教 符

博士非殊吏巍然道自居諸生趨避席太府揖升車  
朱筆濃批卷青燈細勘書漢廷重文藻行矣召巖徐

李園有懷李若

曾與山公醉不歸李園水竹尚依稀鈿車疾取春鶯唱  
鐵篋潛驚宿鳥飛昔把蠶釐同酒琰今持馬策叩城扉  
溪頭一片無情月偏照愁人淚滿衣

送方阜高赴衡州法掾

仕不論高下絲毫要及民君其守三尺古有活千人  
嶽樹侵雲杪江籬滿水濱



楚芳飢可薦切莫歎清貧

答教茂才器之猶子

太傅品胡兒樊州譽阿宜既為諸父賞焉用外人知曉月家山夢秋風客舍詩  
桐城逢汝伯一為說相思

失猫

飼養年深性已馴攀牆上樹可曾嗔擊鮮偶羨鄰翁富食淡因嫌舊主貧蛙跳  
階庭殊得意鼠行几案若無人籬間薄荷堪謀醉何必區區慕細鱗

送張應斗還番場

蕉荔漫山霧雨繁虬鬚容子悔南轅久留閩國誰堪語却憶番君可與言豪傑  
雖窮留氣在聖賢不死有書存歸時洗換征衣了揀箇深山緊閉門

為圃二首

屋邊廢地稍平治裝點風光要自怡愛敬古梅如宿士護持新筍似嬰兒花窠  
易買姑添價亭子難營且築基老矣四科無入處旋鋤小圃學樊遲  
衰病歸來占把茅譬如僧葺退居寮因存橘樹斜通徑怕礙荷花小若橋古有  
功名與釣築今無物色到漁樵可憐歲晚閑雙手種罷蕪菁擷菊苗

送黃舒文赴欽教

博士文中虎垂髻已定交雅宜對紅藥胡乃涉黃茅薄有先生飯全無弟子嘲

猶勝迂濶者荷鍾壑荒郊

挽袁侍郎二首

華髮始遭逢其如道不同可曾留孟叟俄已罷申公諫草多傳出經疑盡解通  
豈無南董氏奮筆紀孤忠  
遺誥兼新詁同時至華門龍鬚先帝遠貽背幾公存方恨三旌晚俄驚一鑑昏  
潛然闕世道不是哭私恩

教器之宅子落成

矐翁卜築向東臯小憩江湖半世勞遠屋樹陰供杖履登樓山色發詩騷客來  
賀厦杯行濶市寫拋梁紙價高白虎漸臺何處在不如茅舍尚堅牢

答陳珍

寂寂少游從斯人未易逢清貧今仲子疎雋小元龍君謹提詩筆吾當避箭鋒  
勉旃鳴盛世切勿效寒蛩

挽表叔趙君任安撫二首

論 忠簡孫

丞相規恢策家庭已習聞寧論乘一障真可帥中軍玉塵無能對金錢有即分  
心知伏波病多半為忠勤  
叔在兵間日書常笑我孱初云機會易晚歎事功難寂寞即官省荒涼上將壇  
遙憐會稽空新種短松寒



池上榴花一本盛開

炎州氣序異十月榴始華是誰初植此石罅抽根斜綠陰蔽朝曦朱艷奪暮霞  
始猶一二枝俄已千百葩染人不能就畫史無以加洛陽擅牡丹久矣埋胡沙  
蜀川誇海棠邈然隔夔巴安知籬壁間亦有尤物耶坐令農圃室化為金張家  
詩人好模擬凍蘂并寒槎斯篇儻令見無乃譏吾奢

蘓李泣別圖

方孚若故物近為人取去

風雲慘悽草樹枯死茄鳴馬嘶弦驚鶴起熟看境色非人間初連山下想如此  
手持尊酒別故人此生再面真無因胡兒漢兒俱動色路傍觀者為悲辛歸來  
暗灑茂陵淚子孟少叔方用事白頭屬國冷如冰空使穹廬歎忠義茫茫事往  
賴畫存每愁歲久縑素昏即今畫亦落人手古意凄凉誰復論

芙蓉二絕

湖上秋風起權歌萬株映柳更依荷老來不作繁華夢一樹池邊已覺多  
池上秋開一兩叢未妨冷淡伴詩翁而今縱有看花意不愛深紅愛淺紅

鄒莆田見傳葬書

應博

令君葬說其傳遠一字真堪直一縑惜以辯材藏襖帖愛如房相筆撈嚴畧疏  
脫誤煩重校畫扣精微恐不廉欲卜寢立何處是憑高試為指東崦

挽鄭參議

浦

同榜飛騰盡君初拜小戾地寒推易去天遠借難留新壠家山畔生祠嶺海頭  
歷官如杜老白首止參謀

同鄭君瑞出瀨溪即事十首

方孚若新序

汗血名駒白玉鞭本初父子喜華鮮只今無復在游侶自卸驢鞍古店前  
妓有香分客有魚主君頭白愁因渠枯楊此日悲風起寂寞無人哭墓廬  
元凱平生以智推今看往事一何癡山頭螭首猶蕪沒那有人觀水底碑  
昔結精廬在半崖苔扉無主闔還開近聞有虎為看守應是防閑俗子來  
豪士寧淪鬼趣中曼卿昔去管芙蓉君今定作梅花主來往山間儻一逢  
蘂裡而掩古無譏何必封崇揭禍機到得珠襦金椁出始知羸葬不為非  
古於生死驗交情何況臺欹沼漸平不是劉君同鄭老苔深草合斷人行  
鐵馬防秋記昔曾晚途消縮似寒蠅同時校尉俱封拜誰伴將軍獵霸陵  
北耗而今杳不知路傍羽檄走無時自憐滿鏡星星髮羞見官中募士旗  
老奴昔逐我西東提似猿猴跳絕峯今日道旁扶一拐汝公安得不龍鍾

教茂才論詩

詩道不勝玄難於問性天莫求鄰媪誦姑付後儒箋至質翻如俚尤癯始似仙  
吾非肝肺異先得子同然

鎖諫圖



諫言直觸大單于賴有闕氏上諫書若把漢唐宮苑比玉環飛燕揔輸渠

哭劉連江世鈞

晚唐才調晉風期一片曾襟頗涉奇每過鄰家因貰酒偶添別墅為羸碁議即  
秩淺無趨拜令尹官清有去思種得花成身不見江邊父老至今悲

明皇按樂圖

鶯啼花開春晝遲掖庭無事方遨嬉廣平策免曲江去十郎談笑居台司屏間  
無逸不復覩教雞能鬪馬能舞戲呼寧哥吹玉笛催喚花奴打羯鼓南衙羣臣  
朝見踈老伶巨璫前後趨阿瞞半醉倚玉座袖有曲譜無諫書金盆皇孫真龍  
種浴罷六宮競圍擁惜哉傍有錦綉兒蹴破咸秦跳河隴古來治亂本無常東  
封未了西幸忙輦邊貴人亦何罪禍胎似在偃月堂今人不識前朝事但見斷  
繡裝束異豈知當日亂離人說着開元揔垂淚

哭李公晦二首 沒於辰州

不會蒼天意令君死五谿少曾游洛下晚乃相膠西白首尊師說丹心對御題  
悲乎成底事路遠客魂迷

洲邊三畝宅有竹有梅花豈不堪名世何如勿起家身終着朱綬州謾出丹砂  
渺渺重湖外悲風咽暮笳

送鄒莆田

日日焚香出天知令尹心租符環境少花判入人深發路惟詩卷敝家亦俸金  
極為鄉里惜不是滄分襟

即事四首

買得荒郊五畝餘旋營花木置琴書柳能樊圃猶須種蘭縱當門也不鋤無力  
改墻姑覆草多方存井要澆蔬區區才志聊如此誰謂先生廣且踈

目為詩客不勝慙喚作園翁定自堪抱甕荷鋤非鄙事栽花移竹似清談野人  
只識羹芹美相國安知食笋甘富鄭公事晚覺齊民書最要惜無幽士肯同參

墻角新開白版扉時尋樵牧弄煙霏代耕豈若收躬稼賜帛何如出自機湖海  
浪游今已倦山林獨往未全非百年只願身強健長為慈親負米歸

待鑿新池引一灣更規高阜敞三間縮墻恐犯鄰家地減樹圖省屋後山身隱  
免貽千載笑書成猶要十年開門前薦有相尋者但說翁今怕往還

梅花五首

髣髴瑤姬擁仗來前簷化作玉樓臺平明遠砌圓殘夢元是梅花數樹開  
糝地紛紛着樹稀歲華搖落慘將歸世間尤物難調護寒怕開遲暖怕飛  
籬邊屋角立多時試為騷人拾棄遺不信西湖高士死梅花寂寞便無詩  
肯因冷淡怨年芳霜滿寒林月滿塘至白世間惟玉雪不如伊處為無香  
夜來幾陣隔窗風便恐明朝已掃空點在青苔真可惜不如吹入酒杯中



送邢仙游興祖

彼美邢侯者逢人滿口夸有恩霑小戶無勢撓公家拔盡民間薶栽添境內花  
吾詩采清論一字不曾加

夜登甘露山二首

小家三兩戶荒燼萬千重有月犬時吠無人泉自舂  
月落宿禽起幽人殊未迴不知何處磬迢遞過山來

書事二首

竭海夷山氣力雄只愁無術駐顏紅却須學劃千餘歲多買丹砂置女僮章子厚云  
人生豈不能學劃得二三百歲

因治陶朱術太精世間無物足經營更將郭璞書頻看只恐青山盡整平

後村居士詩卷第七

後村居士集卷第八

詩

送權郡唐通判

鎮靜一如無頌條甫月餘來惟居傳舍去不識兵厨健判風生筆精祈雨灑車  
丈夫何必假行矣兩輪朱

再題鍾賢良詠歸堂

伏戲以來凡幾年六經之外凡幾書人間簡冊渺煙海君以約法包無餘往年  
華轍臨敝廬舌端霆卷俄電舒平欺賈董等下駟冷笑服鄭直蠹魚千詢萬叩  
響如答捫腹始媿吾空虛伯高辟易季度走六論三策何時攄又言諸子皆文  
夫經笥武庫隨所須觀君毛骨老猶爾惜也未見維與駒方君主相求極諫君  
曷不携軼轍俱自云素鄙從橫學尚友洙泗談古初堂堂冕輅豈不好却慕點  
也寧非迂行當端委秉周禮未可春服從魯儒

送洪使君

雖擁朱轡貴清臞兩鬢霜判花人競誦詩草士深藏農飽因蠲賦州貧為救荒  
公歸無媿面應可見巖光

送陳魯史使君赴廣西漕

闔郡留無計匆匆奪父師使君三月政遺老百年思遠宦生華髮輕裝載舊碑  
海山應有恨未得謝公詩  
韓杜曾游處君行得細尋那知瘴烟裏忽有福星臨竭海求珠蚌搜山採翠禽  
定將水與蘖一洗濁夫心



永嘉黃九萬見訪

避暑惟高卧柴門閉不通子來佩明月予起濯清風有墅猶當贈無城可得攻  
靈舒如見問今作灌園翁

別宋斌文叔

天下書無數君專治四書因留精舍久遂向舉場踈山路挑包去秋風罷講餘  
故園荒草合似欠一番鋤

熊主簿示梅花十絕詩至梅花已過因觀海棠輒次其韻

萬藥千葩染似紅停盃無語恨東風薄寒且為花愁惱何況開時值雨中  
紅點霏霏似撒沙荒園幻作五侯家自憐改盡青青鬢無力栽花且看花  
幾樹繁紅映碧灣苧羅山下見芳顏分明消得黃金屋却墮荒蹊野徑間  
顛風猛雨阻追攀欲問春留教日間過眼紅雲成白雪到晴愁沒花省  
梅太酸寒蘭太清海棠方可入丹青趙昌骨朽徐熙死誰寫春風上錦屏  
特以穠纖壓衆芳瘦人癡殺恨無香問渠嫵媚房權裏何以莊嚴几研傍  
共倒殘尊過日西重來花事想參差建陽主簿今才子焉可無詩補杜詩  
歸騎何須抵死催且枯落葉藉蒼苔平生酷喜坡長句筆力今誰可奪胎  
暮雨廉纖似入梅一春花月欠攀陪草生後圃深三尺也道身為縣令來  
海棠洞下醉忘歸歲月如馳不可追想得千株今合抱此生未卜再游時

再和十首

色深乍擣守宮紅片細俄隨蛺蝶風到得離披無意緒精神全在半開中  
薔薇難比况金沙一種風標富貴家我有公評君記取惜花須惜海棠花  
千株絳雪照滄灣應笑劉郎帶老顏尚有少年情味在戲搜綺語續花間  
鳳州宮柳昔曾攀亦醉瓊花芍藥間獨有海棠心未足每逢多處必來看  
別園水竹絕幽清花徑繁紅蘚砌青何處貴游開步障誰家生色畫深屏  
徙倚溪亭惜墜芳恨無異域返魂香殘枝併恐風吹去插在金瓶置坐傍  
忽憶聯鞍過水西重尋前約未參差愁人議風流罪屢出看花數賦詩  
淡賞無煩羯鼓催解鞵便可坐莓苔莫將花與楊妃比能與三郎作禍胎  
旋挑野菜拾青梅又向花邊得暫倍各選一枝簪白髮明年知與阿誰來  
君憶東湖不久歸我思陳迹恍難追殷勤為報鶯花說止有詩情似舊時

水心先生為趙振文作馬塋歌次韻

洛陽牡丹隔萬里棘荒姚魏扶不起馬塋近在杭州陌野人只向詩中識  
傅粉初窺牆海棠為屋辛夷房千林春色已呈露一株國艷猶悶藏多情  
荀令香透袖俊游恐落都人後搖鞭深入紅雲御解衣旋賞黃睇酒淮南芍藥初過  
兵人生何必塞上行墜相委壤各有命肯學凍士鳴不平移家欲傍園翁住手  
開蕪地通蘋渚尋芳相相趁蝶飛逐臭紛紛憐蚋聚君不見玄都吟筆妙燕許



詩人却遣世人怒君若琴舟獨往時我亦荷鋤和陶去

贈高九萬并寄孫季蕃二首

諸人凋落盡高叟亦中年行世有千首買山無一錢紫髯長拂地白眼冷看天  
古道微如綫吾儕各勉旃  
菊圃說花翁飄蓬向浙中無書上皇帝有句惱天公世事年年異詩人箇箇窮  
築臺并下榻今豈乏英雄

題何秀才詩禪方丈

景建談之子詩禪丈室寬能將鉛槧事止作葛藤看壞衲蒙頭易玄機得髓難  
何因清夜話分我一蒲團

挽邵武洪倅

不識監州面聞名似舊知空餘商榷恨竟失合并時昔作大蘓客今觀小謝詩  
西風丹旌過一為士林悲

挽夔漕王中甫二首

羽書堆裏挾遺編往古來今盡粲然白髮晚持川口節丹旌暑下峽門船生前  
多半游榆塞身後纔方領木天老去一雙懷舊淚誰知滴向建溪邊  
半歌丹藥一叩枝萬里西來撫事悲綬着藏中公事定劍鳴匣內我年衰可憐  
檄筆今零落尚記綸巾共指揮身在滄洲搔白首斷腸吟就八哀詩

挽葉潛仲運幹二首 知剛

雖出自貂蟬清貧雪滿顛若無槐簡後一侶布衣然讀久遺編絕藏深拱壁全  
悲乎如此士不貴又無年  
俱入平蠻幕同登出嶺舟交情傾蓋盡世事闔棺休客致生芻去家惟斷藁留  
遙知風雨夜愁絕老參謀

送熊主簿

邑事多高推惟詩未暇論母慈推扇枕父老謾攀轅新成謀何地初程宿某村  
西風有來雁書札儻相存

送徐夏叔

昔與長君親今方識少君極知皆造理何止並能文讀照湘中雪吟開嶽頂雲  
老余才思竭搔首念離羣

和荅北山

北山當代文章祖孔思周情幸未泯弟子力疲心尚在先生齒宿意逾新今無  
斷鼻成風手古有埋腰立雪人不向師門勤稽首一生懷抱對誰伸

挽樓暘叔二首

白首臨凋瘵壘益似舊時僅持一麾止安用五車為庫有留州賦家無葬地資  
空餘清儉字長使郡人思



平生所歷最崎嶇不覺周南歲月深拙宦元無金潤屋悼亡新有雪盈簷淒淒  
德曜齊眉案草草黔婁覆首衾曾忝郡民漸教化眼有雙旒一沾襟

勞農二首

江浙膏腴動渺然推閩硤薄少平川可憐老子扶凋邑絕似吾民墾瘠田稍喜  
一犁翻宿雨聊為三爵禮高年太平主相調元氣春在桑畦麥壠邊  
畫簷一夜雨飄蕭際曉陰霾掃碧霄有日暫看旗脚展無風初覺鼓聲調紛紛  
竭作趨南畝稍稍新粒出北橋白髮長官塵土殺尚能覓句補風謠

荅惠州曾使君韻二首

瀟灑使君風度峻神仙謫墮在人間只今坐歎凝香處帝賜羅浮作鎮山  
先賢平易以觀詩不曉尖新與崛奇若似後儒穿鑿說古人字字提堪疑

送參議滕告院挂冠

由來恬退士史冊亦稀疎唐有楊少尹漢惟疏大夫翁能辭祿去我欲殺青書  
今世無名筆誰為寫作圖

挽建昌唐使君二首又民

南渡釣樞後宣和節義門依然窈人子不似貴公孫苦李無誰採甘棠在處存  
遙知宦游地巷哭更招魂  
稍喜佩銅魚遛迴四紀餘早無人料理晚有鬼揶揄把酒言猶在凝香夢竟虛

斯人止如此恐坐太清臞

和葉尚書解印二首

郡人不識疾呼聲甘雨和風徧一城歲久偏多遺愛事天高未察借留情舟行  
精舍漁歌晚家近華亭鶴唳清莫比歸雲并倦翼先生此念素來輕  
倦入承明聽履聲朱轡今復厭專城盪青太華供吟興照眼伊川洗宦情尊鱸  
何慙高士次琴龜不減昔賢清未應便葺東山墅出處方閑世重輕

送葉尚書奉祠二首

先生清夢繞林泉黃紙除書拜地仙報荅吾君吾相了徜徉某水某丘邊事光  
白傳求閑後街似溫公約史年溫公領崇福祠十五年笑向故山猿鶴說古來晚節幾人全  
身於七邑最孤寒每辱黃堂刮眼看乍可却無九年蓄要令民受一分寬公閑  
去伴种司諫我懶思尋靖長官曾出龍門稱弟子感知惟有寸心丹

挽盧母黃太孺少逸之妻

太孺賢聲衆論推府君經學里人師牛衣隱約能偕老螢火淒涼自課兒疇昔  
黃蘗曾百甕只今丹桂已雙枝烏虜盧母哀榮甚何必人題墓上碑

寄熊主簿

一出懸知計已非更堪留滯未成歸即今白首負松菊何處青山無蕨薇不恨  
老從中歲至但悲事與素心違當齋寂寞生秋草幾度臨風憶杜微簿廳有當齋取會計



寄徐夏叔

曾識徐卿二子奇，秋來往往夢瓊枝。明時莫作沉湘賦，暇日應題望嶽詩。主愛客卿寧忍舍，兄嗟予季若為思。湖南歲晚多迴鴈，頻寄書歸尉別離。

贈趙醫立之

世醫多孟浪，趙子獨精專。術穩常無誤，能高素有名。方書真爛熟，裘馬極鮮明。自笑貧兼病，將何贈宋清。

與北山陳龍圖

小兒膽大說文章，螢光難爭兩曜光。侍講先生今寂寂，龍圖老子尚堂堂。鄰無羊仲并求仲，家有元方與季方。想見瘦梅疎竹下，深衣如雪鬢鬢蒼。

答陳龍圖

耆舊凋零盡，吾猶及太丘。豈云清易挹，自是廣難周。尚絅煩翁教，書紳到老休。何由陪几杖，共看海山秋。

和趙吉州三首

學者當窮理工詩，豈美名不能禪。采訪徒自取譏評，責已希章孟。休官慕尚平，如今成病鶴。垂首噤無聲。

憔悴東陽令，區區謾自疲。斷無問牛智，寧受放魚欺。儻陋交游笑，低平父老知。

向來子元子，髣髴是吾師。

今代廬陵牧，蒼生屬意深。胷中絲補衮，肘後藥扶金。僕自操齊瑟，公宜和舜琴。篝燈精舍裏，何日共論心。

挽傅諫議三首

昔事先皇帝，堂堂立玉墀。進懷伏蒲疏，退誦考槃詩。哀郢遺言切，憂周素髮垂。它年耆舊傳，此筆屬諸誰。

今上龍飛始，先生驛召頻。頗聞曾草疏，終不就蒲輪。勘破邯鄲夢，抽回洛社身。也令千載下，知世有全人。

憶昔南山寺，微言叩未終。晚猶溫薦語，病尚寄書筒。駿廐誰收我，葦陵合殉公。春風淡上淚，還與海潮東。

寄二徐

珍重渠家大小君，分明二陸是前身。遙知洛下傾城看，錦樣文章玉樣人。

答留通判元崇

不見龍驤與驥馳，紛紛蟲篆鬪蛛絲。君侯傑出南方者，老僕終當北面之。憶玉樹枝勞遠夢，熏薔薇水讀來詩。自慙眼力非關令，紫氣浮空惜不知。

以王家酒寄陳北山得二絕句，請酒味不如舊日之勁峭，用韻二首。先生詩酒令俱嚴，一掃哇蕢與市帘。户大才高今吏部，故應笑小更嫌甜。



醉醪易入醉人鄉勁酒難逢醒者嘗王媪區區真小點隨時增損獲中方

和北山一首

幅巾高蹈挹洪崖閑灑銀鈎著玉杯文律不論先漢後詩源遠自國風來却愁  
小子方攻丹未必吾師肯鑄回極欲去修床下拜扁舟歸夢繞南臺

送建安鄭尉

路人能說尉壹似建溪清寸錦不携去束書相伴行無心干舉持有面見賢兄  
應笑東陽令淹留白髮生

答范叔範

濶矣別離久颯馬顏髮蒼殷勤大范子問訊老劉郎渴睡添新懶清談減昔狂  
今無望氣者寶劍且深藏

送楊休文

寂寞鯨翁拚縣齋吏傳刺字睡驚回自從黃鶴仙人去誰遣青牛道士來適夢  
羽衣良有徵共吟石鼎愧無才殷勤問訊西山老何日山中伴訪梅

答羅天驥

乃祖曾吞鳳即君豈後身頗聞精選理何必慕唐人玉塵王夷甫烏條呂洞賓  
客談溪壑勝終擬卜比鄰

太守林太博贈瑞香花

一樹婆娑整復斜使君輟贈到田家自慙瓊牖繩樞子不稱香囊錦傘花小借  
暖風為破萼旋流新水待抽芽丁寧童子勤封植留與甘棠一樣誇

再和

壞徑泥深古檻斜居然幻作貴游家小亭自課童鋤草空室俄驚女散花便覺  
麝囊無遠韻頻挑蟻蠹有新芽紫薇紅藥催公去獨許詩留野老誇

三和

更散庭空戟影斜吟牋飛到野人家隋珠和璧難昂價禪榻茶甌忒負花譜欠  
名人為品藻詩因尤物始萌芽近公匹似熏班馬荀令風流未足誇

四和

吟諷攀翻到月斜眾驚奇寶聚貧家高才盍視宮中草退士聊看屋角花未必  
園丁諳樹性更愁墨客笑薑芽畫堂金鼎熏蘭麝豈有天然韻可誇

五和

幾點朝來小雨斜未應造物妬山家陡驚春報千林信擬問天留數日花寫物  
祗今須老筆染根何處有靈芽彩雲過眼真如夢着意追摹豈好誇

六和

掘筆無辭字半斜情知見笑大方家放教吉甫獨哦句除却微之誰別花勾引  
親朋需果核隄防風日損根芽玉津應制須公等林下樵歌敢自誇



七和

短牋小草墨痕斜  
句法來從和靖家  
吟賞豈無神助筆  
護持疑有物司花  
莫因山鳥啼榕樹  
便憶河豚飽菽芽  
多少和人沾賸馥  
願碑遺愛永傳誇

和趙南塘離支五絕

側生海畔遠難將  
風日尤能變色漿  
借問驛馳丞相府  
何如輦致道山堂  
却真無因送上天  
漫山如錦但堪憐  
羅浮所產真奴隸  
只為曾逢玉局仙  
十顆千錢品最珍  
北人鮎背未濡脣  
若生京洛豪華土  
買斷丹林肯算緡  
類直百錢

輦轂嘗新着價高  
土人棄擲梗弁髦  
不嗔園客工偷竊  
絕喜天公享老饕  
風韻能令百果低  
難將盧橘鬪新奇  
品題自合還詩祖  
模寫何須覓畫師

築城行

萬夫喧喧不停杵  
杵聲丁丁驚后土  
徧村開田起窰竈  
望青斫木作樓櫓  
天寒日短工役急  
白棒訶責如風雨  
漢家丞相方憂邊  
築城功高除美官  
舊時廣野無城處  
而今烽火列屯戍  
君不見高城鬩鬩如魚鱗  
城中蕭疎空無人

開壕行

前人築城官已高  
後人下車來開壕  
畫圖先至中書省  
諸公聚看稱賢勞  
壕深數丈周十里  
役兵大半化為鬼  
傳聞又起旁縣夫  
鑿教四面皆成水  
何時此地

不為邊使我地脉重相連

運糧行

極邊官軍守戰場  
次邊丁壯俱運糧  
縣符旁午催調發  
大車小車聲軋軋  
霜寒暑短路又滑  
檐夫肩穿牛蹏脫  
嗚呼漢軍何日屯  
渭濱營中子弟皆耕人

苦寒行

十月邊頭風色惡  
官軍身上衣裘薄  
押衣勅使來不來  
夜長甲冷睡難着  
長安城中多熱官  
朱門日高未啓閤  
重重幃箔施屏山  
中酒不知屏外寒

國殤行

官軍半夜血戰來  
平明軍中收遺骸  
埋時先剝身上甲  
標成叢塚高崔嵬  
姓名虛掛陣亡籍  
家寒無俸孤無澤  
烏虜諸將官日穹  
豈知萬鬼號陰風

軍中樂

行營面面設刁斗  
帳門深深萬人守  
將軍貴重不據鞍  
夜夜發兵防隘口  
自言畏不敢犯射  
麋捕鹿來行酒更  
闌酒醒山月落  
絲繡百段支女樂  
誰知營中血戰人  
無錢得合金瘡藥

寄衣曲

征夫去時着紵葛  
征夫未回天雨雪  
夜呵刀尺製寒衣  
兒小却倩人封題  
上有淚痕不教洗  
征夫見時認針指  
殷勤着向邊城裏  
莫遣寒風吹曉理  
江南江北



一水間古人萬里成玉閔

大梁老人行

大梁宮中設種屋大梁少年 結束少年嬉笑老人悲尚記二帝蒙塵時烏序  
國君之讎通百世無人按劍決大議何當偏師縛頡利一驢馱載送都市

朝陵行

國家諸陵陷河北盜發寶衣斧陵木或言陵下往來人夜聞翁仲草間哭何年  
却遣朝陵官舍桃瓊案登金幣悲哉人家墳墓各有主誰修永昌一抔土

破陣曲

黃旗一片邊頭迴兩河百郡送款來至尊御殿受捷奏六軍張凱聲如雷元戎  
劍履雲臺上麾下偏裨皆將相腐儒筆力尚跌宕燕山之銘高十丈

村居書事四首

有客相逢說坎離葫蘆中藥不容窺扣頭無力營丹竈聊奉先生一醉資  
新荆閣梨頂尚青滿村看說法華經安知世有彌天釋萬衲如雲座下聽  
卜叟囊書繫肘邊兒童尊信等神仙立談算盡平生事問到封侯拜相年  
刮膜神方直萬金國醫曾費一生心可憐髮髻提籃者也有盲人問點鍼

後村居士集卷第八



